

SIBAKA SA MULIMU

SINOSI FEELA SA KULAPELELA

 Ki kakusasana! Ki tabo fa kuba mo kakusasana cwana. Mi lu tabile, ka kuikola kutwano tuna ye mwahala lipina za kale za tumelo zee. Lwa lata cwalo. Mina bo? Yona korasi ya *Amen*. Kona Sali sona, ki yena Amen, mwabona. Ki yena yana ni kubulela linzwi la mafelelezo.

² Ne ni inzi fani inge ni ambola ni mulikana ka wa kale, Muzwale Brown, lipina hane li opelwa. Mi sa li, “Muzwale Branham, Ne ni si ka bona kufitela maabani, zo bile ubulelanga.” Ki hali, “Kambe sicaba ne si ka kena feela mwa litaba zo bulelanga,” ali, “zetibela kaufela nelika zwa mwa nzila.” Yeo luli ki niti. Yeo ki niti. Ki niti luli. Kambe nemuka kona feela ku Li lemuha, ku Li swala. Mwabona?

³ Neni ambola ku mulikana ka yomunyinyani, Ernie Fandler. Ni sepa kuli babañwi ba mina kwande mwa libaka za mawaile muka muhupula Ernie, mwa na bakezi, mwa na etelezwi ku Mulena. Habulelangi Sikuwa sesinde, kamba Ni tabela kuba ni yena kuli abulele manzwi nyana. Mi yena manzwi akuli *luna* ni *Wena* wa akopanyanya. Na sweli ku ni buza haia Na hupula nako kwa Shawano ko apila. Nekuna ni muuna yana shwezi mwa mukopano, awela mwa sipula inza shwile, wa Lutheran. Lwa ba ni mutu kaufela akuzize. Na bulela Linzwi la Mulimu fahalimwa hae, akuta kwa bupilo, bwa kutela ku yena hape. Habasika libala kale zeo, ba bata kuli lu kutele kwatensi hape.

⁴ Ni utwisisa kuli mwa France, kakusasana cwana, kuna ni baana babafitelela likiti zepeli za ma French ka kuitima lico ka mazazi nyana babaka tisa Liñusa mwa France mwa si French. Naha kaufela ya Baipanguli, siemba sa Baipanguli mwa naha ya France. Mi kacwalo luna lwa . . .

⁵ Se i kalile fela kushoshela cwale, kona ikala fela, sikapi sea yebuha kwatensi kuli buloto bubonahale kwande cwale. Mwabona? Kona kuli hamube feela ka likute, muzwelepili kulapela. Mwabona? Muhipule, “Ba ba libelela ku Mulena, ba ncaafazwa mata a bona.”

⁶ Cwale, kuna ni . . . Ne ni li . . . ya ni supala luli, mi Na hupula kuli, “Kikuli Nika . . . Kikuli kukabaancafazo yeñwi, Ni bone nako yeñwi nji?” Mi muhipule feela, kuzwa kwa wiko ku ka zwa mupahami wa pelesa yesweu. Lu ka fita mwa nzila ye hape. Yeo ki niti. Lu sa itukisa feela. Ki sepiso, mwa bona.

⁷ Cwale, Ni bata kuambola ku Muzwale Leo . . . Ne ni sweli kuambola ni Muzwale Wood maabani busihu, muhulwana hae

ka kuba kwanu. Muzwale Leo, haiba wena ni sikhata nyana sesi teeleeza kwani kakusasana cwana; Kezeli Mercier, bo ndataho bateni moo. Ni ba boni mabaani busihu. Bateni mo mwa muyaho kokuñwi, mi ba bonahala hande ni kususuma luli.

⁸ Kakusasana o ba foliswa nebali mwa tabernakele, nekuna ni litaba zepeli za kansa, neli kushwa luli, mi bubeli bwa zona za foliswa. Mi bo ndatahe, ki muuna muhulu mwa butuku bwa pilu, atiswa kwa kanya ya Mulimu. Mi uteni mwa mukopano mo kokuñwi. Hanikoni ku mubona mwahala sikhata cwale, kono naliteni mo maabani busihu.

⁹ Litumeliso ku mina kaufela mwa na ha; mo mwa sibaka sesinde, sa Life Tabernacle mo mwa Shreveport, mwa sibaka sesitezi kusinana ki sicaba sa sikolo sa la Sunda. Mwa ziba, kambe Ni pila mwa Shreveport, kusina kubulela ze maswe ka mutu, kono se ikona kuba sona sibaka ko Ni kona kutaha kwa keleke, ona kwanu kwa Life Tabernacle. Ye ha ki kopano. Life Tabernacle, ki kacenu, ye ki tabernakele ya linaha kamukana ni za kwande. Ba zwile mwa kopano bakeñisa kuli ba ni amuhezi ni Liñusa le Ni kutaza. Muzwale Jack Moore, muzwale ni mulikani, na ngilwe mwa likopano kakuli na utwana ni na. Mi kacwalo Ni sepa kuli ulukela likute nyana. Yeo ki niti. Mulimu amu fuyole. Mi ananula mazoho a hae mwa tapelo, ni kulumela ni yena.

¹⁰ Mi cwale Kezeli Moore, Ha ni muboni kai kamba kai, musali wateni... Eeni, kwa mulaho kwanu. U bonahala inge kasizana hainzi fani kakusasana cwana, ona mutinelo kaufela, zenca, mi ubonahala fela inge liapalo za Paseka. Mi ku—ku bonahala inge... Muzwale Jack mane na sa mu zibi. Cwale, Kezeli Moore.

¹¹ Luli lwa mutonda maa Anna Jeanne ni Don, ni kaufela bona. Ki tabo ku kopana ni Muzwale Nolan, neli alimuñwi wa balikani kwanu.

¹² Mi Muzwale Ernie, Ne ni mu kupile maabani haiba uka opela kuli *Amen*. Nina ni zona fa litapa, mi Ni ilizize hahulu kufitela itakuha takuha ku ilizanga hahulu, *Amen*. Ni sepa kuli una ni linzwi lateni; ufita kaufela bona. Mi Judy yomunyinyani, Ni mu lemuhile; bababeli bao, babonahala fela inge muzwale ni kezela hae. Nji cwani? Ki muuna ni musala hae. Mutualime ufi wa bona, mubone fela ze ba bonahalela kuswana. Mwabona? Kanti mane ki mutu ni musala hae. Bao ki, mwa ziba, bao kibo... Muzwale Palmer ya sa zo pahama feela manela ya kanya, yani ki mwana hae wa musizana ni mukwenyana hae. Mi yani ki... Musali wateni luli ki tuso tuna kwa kuhula kwa mwana hae. Mi una ni babañwi hape, bakutazi babase ba nyezi ni bona, mi bao ki babuleli ba evangeli mi bainzi mwa simu, ni zeñwi. Kacwalo ki lika zetabisa feela.

¹³ Ha ni sika bona Kezeli Palmer. Luli, Hani zibi haiba Ne ni ka mu ziba ha Ni mubona, kamba nee. Hakulata uteni, mwendi,

kokuñwi (eeni sha) mwa mukopano. Kwa mulaho; Mulimu aku fuyole, Kezeli Palmer.

¹⁴ Pilu yaka ya tulakanga nako kaufela ha Ni nahana ka zona. Muzwale Palmer na pahami fela mahatelo kufitela, mizuzu yelikani fela, kufitela Ni amuhela liñusa la kuli na saile. Ne ni sa lumeli fela. Billy ani biza, mi nekuna ni mutu yana sweli mnu . . . mi na ziba. Neluli balikani baba latana luli, mi ka kuziba kuli na sa timezi, neli taba ye sabisa luli. Kono kaufela luna luswanela ku ya, hakuna taba kamba lu bomañi, luswanela kuya alimuñwi ka alimuñwi. Kono kuna ni fela nto iliñwi, "Ha lu utweni mafelelezo a taba kaufela: Saba Mulimu ni kumamela litaelo za Hae, kakuli wo kona musebezi wa mutu ka kutala," Muekelesia 12.

¹⁵ Cwale Hanina nako yeñata hahulu ya tuto ya la Sunda cwana, mi Ni silezi linzwi.

¹⁶ Kuli, Muzwale Pearry Green u ezize nto yende. U ni utwile ha ni bulezi, maabani busihu kuli, "Ni latehezwi ki milili yaka kuli nibeye . . ." Na biza kwande kwani ni kulika kubulelela mutu kuli ani tiseze kona ka fulai. Se nili, "U liyehile kale, Ni silezi kale linzwi." Ni likile hala lilimo kufumana tuso cwalo, kono ha Ni yo fumana kani, ka ni tusa. Kono Ni ka libezi nako ye, kacwalo Ni silezi linzwi nyana. Kacwalo mu ni utwisise, haiba muka kona, mwa mukubulela.

¹⁷ Cwale, ki ba bakai baba tabela sikolo sa la Sunda? Oh, mawi, yeo ki niti. Ki nto yende kuisa bana ba mina kwateni. Batili, haluboneni ni sikulule taba yeo, ki nto yende *kutisa* bana ba mina kwateni. Yeo ki niti, kutisa bana ba mina; ni mina mwataha hape. Ki ba bakai ba baziba sikolo sa luna sa la Sunda mo ne si kalezi? Ne si kalezi kai? England. Ne si bizwa cwani pili? *Sikolo sesibuhali*. Yeo ki niti, kubizwa "Sikolo sesibuhali." Hanze Ni libezi libizo la muuna yana si kalisize. Neli mañi, neli mañi libizo? [Yomuñwi uli, "Robert Raikes."—Em.] Yeo ki niti, ki niti luli. Mi anga banana kuba zwisa mwa nzila (baba pazauhile, bene basina sibaka kwa kuya, mi baba maswe luli), mi abatissa ni kukala kubafa lituto za Bibele. Mi sihulile kuba yeñwi ya likeleke ze swanelia, mane, kacenu, seli sikolo sa la Sunda. Ki sibaka sesinde kuya teñi. Mubone kuli mwataha teñi, mutise bana ba mina. Ni sepa kuli tabernakele kwanu ina ni baluti, libaka zekwanile hande, lilimo, ni zeñwi cwalo. Mi nemuziba babanca fela bene bataha ku Kreste, neba latelela hande mwa Liñusa; mutahange kwanu kwa Life Tabernacle, mi baka mitusa hande luli.

¹⁸ Cwale, busihu boo lukaba ni mukoloko wa litapelo oipitezi wa mufuta wa kale. Lu ka lapelela fela bakuli mo ne lu lapelelanga sapili, Muzwale Jack ni Muzwale Brown.

¹⁹ Ni hupula kubona Muzwale Brown halika kufa makadi ani, mi yena kakuba mukutazi kasibili . . . Mi mwa mazazi ani, mwa

kopano yene luna ni . . . neba mu kataza luli, mwa ziba, “Ni—Ni muzwale wa mina,” mwa taba ye, mwa ziba. “Una ni kufitisa kwahalimu kwani.” Oh, yena luli nabile ni nako yetata, kono aina fela ka niti sina niti mo ilukela kubela. Muzwale Brown ki alimuñwi wa baana babande. Mi kacwalo lwa mulata.

²⁰ Mi hanze Ni bona kaufela luna, bulalu bwa luna luba . . . luya lu atumela kusupala, seli mafelelezo. Ikaba taba yemaswe luli haiba halusika tomahanya hande mwahala luna yona taba yabutokwa yani, yeluziba kuba Niti. Lu libelela fela kukuta leliñwi la mazazi aa, kukutela kwa bucaha bwaluna hape, kuli lusike . . . mibili yaluna ifetulwe, ibupiwe mwa kuswana kwa Hae ni mayemo. “Kakuli tabernakele ya lifasi ye molupila ha i ka sinyeha, kuna ni yeñwi ye libelezi.”

²¹ Mi siemba sa kuitumela ka sona, mulikani yomunde, kuli Mulena Jesu yomunde . . . Mina baba ni sepa kuli ni mi bulelela Niti; yena Mulena Jesu yomunde, kakusasana omuñwi mwendi ka eiti kiloko, ani lumeleza kubona Naha yani. Cwale, ne si—ne si pono; ha Ni lati kubulela cwalo. Kamba neli sikamañi kaufela, neli fela tenyene sina ha Ni ambola ku mina fa. Cwale, Ne ni boni lifateho za sicaba sani, mi Ne ni sa ba zibi, neba fetuhile banana hape. Mi nebaliteni mane inge . . . Ne ni ba swala mwa mazoho ni lika zeñwi. Ka niti fela . . .

²² Mi sa ni tusa, kakuli Neni banga ni mulelo: mutu ha na shwa, kuli moyo wa hae no zwanga mwateni fela. Kono cwale Hana ni bulelezi zeo, kuli “Haiba tabernakele ya lifasi ye mo lupila iba . . . luna ni yeñwi kale.” Mwabona? Mi luna ni kuba ni lika kaufela mwa bulalu, kuli libe ze petehile. Mwabona? Mi kuna ni mibili ulimuñwi, mi ni mibili wani oli mibili wa—wa ku sa shwa, mi cwale ni mibili o filwe kanya mwa zuho. Mwabona, seo siupanga kuba o talelezi. Mwabona? Kacwalo ki . . . Ha ki litangu, ha ki mulelo fela, ha ki moya. Ki muuna ni musali sina wena mo iinezi, ona cwalo luli.

²³ Mi he, myaha yakale, Ne ni boni libaka za baba latehile, mi nenili kwani. Na ku bulelela, mulikani, sina muuna muhulu, haluboneni ni mi susueze mwa naha ye kakusasana cwana, hamutokwi kutabela kubona sibaka sani. Hakuna mukwa ni hanyinyani o Ni kona kubulela kaona . . . kambe Neni kaba muswanisi ni siñoliso Ne ni sike na penta siswaniso sateni. Kakuba mukutazi, Hani koni ku mi tolokela zona. Mubulela lihele kuba sibaka sesituka mulilo, ki linako ze eza milioni kufitelela foo kwa bumaswe, lipuku ze fumaneha mwateni.

²⁴ Mi Lihalimu . . . kamba sibaka se, kone siinzi kaufela, Hani zibi mwa ku si bizeza. Na si biza kuli ki “mioyo yeli mwatas aletare.” Kono hane kuli cwalo, Nali kuba . . . Hakuna mukwa wa li toloka kuli ki zende cwani. Kuna ni . . . Cwale, mu lukela fela kuutwa manzwi aka, Na ni mutu fela. Mwabona? Kono lipono zee zebile litahanga mane ni kuezahala sina mo Ni mi

bulelezi, mi muziba kuli ifi ni ifi kaufela ibile ya niti, *yeo* ki niti hape. Kaufela so eza, haiba ulatehelwa ki lika kaufela (buiketo bwa mubili, mata, kubona kwa hao, kaufela seo sili sona), musike mwa mbwinja Sani. Hakuna sesikona kuswaniswa ku sona. Ki . . . Hakuna li—hakuna linzwi mwa mushobo wa Sikuwa, le Ni ziba, lelikona kutoloka litaba zateni. Haiba mu bulela kuli “kupetahala,” za fitelela foo; “bunde,” ki—ki kufitelela foo; “bukabali,” . . . Hakuna ma—hakuna manzwi o Ni ziba akona ku li tatulula, kakuli neli hahulu . . . Mi cwale, ka kunahana, ao ha ki mafelelezo a zona niteni. Na nahana, “Na kona kone ni saba kutaha kwanu?”

²⁵ Se nili, “Kana mwa canga?”

²⁶ Bali, “Isiñi kwanu. Ha lu cangi kwanu, kono ha luka kuta mwa lifasi luka amuhela mubili wa kuca ku ona.”

²⁷ Kihande, Ne ni ba utwa ka kuswala. Nebaswana fela inge ona *cwalo*. Mwabona? Mi bona . . . Se nili, “Kihande, muna ni . . .” Oh, eehe, bana ni mubili. Ha ki litangu, ki mubili. Lwa zibana. Kaufela bona neba ni zibile, neba ni kumbatela, ma milioni a bona.

²⁸ Mi se Nili, “Kihande, Ni batu ku Mubona Yana ni titise fa.”

²⁹ La li, “Haukonu ku Mubona cwale, ulukela ku libelela.”

³⁰ Se nili, “Kiñi ha u ni beile fa . . . kwanu?”

³¹ Lali, “No li mueteleli mwa bupilo.”

³² Mi se Nili, “Utalusa kuli ba kaufela ki ba ha Branham?”

³³ Ki hali, “Awa! Ba ki baba fetuhezi ku Kreste ba hao.” Mwabona?

³⁴ Na talima kwa ni kwa, ni masihu amaswe kaufela, ni matata, na sa felile, hane Ni bona lifateho za bona. Musizana ani matela kwani, alimuñwi wa basali babande hahulu, mi ani kambeka fela mazoho, mi ali, “Muzwale Yomunde.” Mi hamano fita fela . . . Cwale, yena ki musali. Kacwalo . . . Kono kulo kwani, hakuna ku yo ba sibi. Mwabona, lilama za maikuto za luna li cincizwe kwani. Habana kupepa bana ni kamuta, kwani. Mwabona? Mwabona, kinto yeswana fela.

³⁵ Ki sikamañi se sieza shutano, ki maikuto. Leo kona libaka ha Ni sa lumeli kubina mane kualabana fa bulilo. Hakuna mutu . . . Na, fapila Mulimu ni Bibeleyaka, Ni pilile ya kenile, ka bupilo bo bucwalio hane Nili mushimani yomunyinyani, mwahala kuhula kaufela kwa buuna bwaka. Musizana kaufela yene Ni zamaile ni yena, Nakona kuyo punya kwa Jatulo ni yena. Mwabona? Kono hakuna muuna, Hanina taba kamba ki wena mañi, yakona kutuhela musali (mwa sibupeho sa musali) aku kumbatele ku kuñomela hande bukaufi ni wena; haiba luli u muuna sakata ya kwanile, haau konji kube maikuto bahaesuni. Kono kwani nasiyo; hakuna lilama za maikuto. Kaufela mina muinzi mwa lilama zeswana. Mwabona? Ki kukena fela, ki

lilato leli si ka bondololwa la bahame ni sizwale, kufita mo likona kubela kubo...neba ku bo...kumbatela mwana hao yomunyinyi wa musizana. Mwabona? Mwana hao wa musizana, ibo u bupilwe...ki musali mi wena u muuna. Mwabona, likona kubupa sika; kono Kwani hakukonahali, sibi si felile, si felile kamukana. Mwabona? Luli...fela ki, Lilato la niti le kenile.

³⁶ Mi Na talima musali yani. Nekuna ni...neku bonahala inge ma milioni abona kulo kwani, mi kaufela nebana ni milili yemitelele, ni liapalo zesweu. Mi—mi Yo yana sweli kuambola ni na, ali, “Ha u mu hupuli musali yoo?”

³⁷ Se nili, “Batili.”

³⁸ Ali, “Nana ni myaha ye nainte bukana ha u mutisa ku Kreste.”

³⁹ “Muhamu o komokisa, ha ki muhuwo kwa munati.” Mwabona? Hakuna fela nzila ya ku litoloka. Munge fela manzwi aka haiba mwa ni lumela. Mubone hande kuli mube...mucise mutano kaufela wa lifasi mwa mulaho wa mina.

⁴⁰ Ni lumela kuli keleke ikalisa kuutwa Liñusa, ni kukala ku utwisia. Kono, balikani, amuteeleze, lu lukela kuba Fapila Mwana, lu lukela ku buzwa. Tumelo—tumelo ya luna haisika buzwa. Ka ngana ya nama lusweli kuteeleza Liñusa la lufile Mulimu, ni kubona lisupo Za lu bonisize, ni kulibonisa ka Bibebe, liteni, kono, oh, keleke mo i tokwela kubela Fapila Hae kufitela iba bunolo, mwa ziba, ni kuba fela ka munati mwa Moya kuli ikone kutapiswa. Linako ka kubulela Liñusa, ukala kuhalifa, una ni ku lilitisa fo kucwalo, kakuli una ni kunata mapo kuli iswale hande. Kono cwale Keleke ha se i Li amuhezi, Muketwa u bizezwa kwande ni ku kauhanyiwa, mi uba Fapila Mulimu, Ni ziba kuli ikaba nto yeñwi inge kuli sicaba nesilteni ha kuezahala Kuungelwa.

⁴¹ Ne ni ka kutaza kakusasana cwana fa *Kuungelwa*, kono Hanina fela linzwi kuli ni eze cwalo, mi kacwalo mu ni utwisisse fela fa nako nyana. Se Ni bata kubulela fateni, ki tuto ya: *Sibaka Sa Mulimu Sinosi Feela Sa Kulapelela*.

⁴² Cwale, ki tuto yetuna tuna. Kacwalo ha lu lapeleni cwale. Mi kafo kwabuse bwa linaha kakusasana cwana, kaufela ko muinzi, muinamise litoho za mina ka mizuzu yelikani fela. Mube baba sephahaha cwale, lu atumela Linzwi la Mulimu, ili yena Mulimu mwa mufuta wa litaku.

⁴³ Mukalisi Yomutuna wa Buka ye, “Ki Peu,” lu lutilwe, “kuli mucali nacezi,” kona mwa bulelela Mukalisi. Cwale, lu lemuha kuli peu ika mela haiba imwa mubu o lukile. Kacwalo, Ndate, a Ku nge miutwa kaufela ni liseto, ni ku sa lumela, ni mihupulo ye hanyeza kuzwa mwa lipilu zaluna; kuli Linzwi la Mulimu likone kuhula ka tukuluho, li selaelwe ka Moya mwa lipilu za luna, kuli lukone kuba sicaba sa Mulimu. Lumeleza cwalo, Ndate. Zeo kona lipilu zaluna. Isiñi fela ku luna lu lemuhile cwalo, kono

kube babañwi mwahala naha kaufela, mañi ni mañi atuke ka lilato ni bunde, ya ka lika ku yo wina muzwale ya latehile, kezeli ya latehile. Lumeleza cwalo kacenu, Mulimu. Lu talimezi ku Wena ka kutala, kakuli ki Wena Muzamaisi wa luna ni Mulena luna. Kacwalo lu lapela kuli Ulu zamaise mwa Linzwi la Hao kacenu, ni ku lufa kwa limbuyoti za Hao. Ka sishemo sa Hao ni ka Libizo la Hao lwa kupa. Amen.

⁴⁴ Cwale, ha lungeni palo yaluna . . . Ni bata kubala mwa Buka ya Deuteronomia, Testamente ya Kale, ka mayemo fela a Liñolo. Nina ni litaba nyana ze Ni ñozi kapili ha Ni sa zo zwa kwa mukushuko ni Muzwale Vayle.

⁴⁵ Ne ni si ka itumela ku muuna yani kwa hotela . . . sibaka sa macelo a lico sani busihu bwani, yana lu lifezi za—ku lifa mulalelo wa luna. Musala ka ni Na musizana waka yomunyinyani naliteni ni yena kwani, mi ha Ni yo lifa pene yaka, yomuñwi na sa lifile kale. Kamba neli mañi kaufela, Na itumela ku wena. Ali, “Ki muuna yana inezi kwa mafelelezo a sipula.” Kakuli nekuna ni sikwata sesituna kwani bone lu ziba. Cwale, Ni . . . ki mufuta wa Kickapoo, nto yeñwi ye cwalo, sibaka sa kwani, sibaka kwa kuleka lico ko ne lucela. Ni itumezi, kamba neli mañi kaufela ya na ezize cwalo. Ufi ni ufi wa mina, Mulimu ami fuyole.

⁴⁶ Cwale, mwa kauhanyo ya 16 ya Deuteronomia, ki mukiti wa paseka otokomelwa. Kacwalo lu lakaza kubala ka litimana zelikani za makalelo, zene kamba zeketalizoho zapili, litimana ze sikisi fa.

U mamele kweli ya Abidi, mi mwa kweli yeo u ezeze paseka . . . (Yeo italusa kuli “Lungu.”) . . . MULENA Mulimu wa hao: kakuli mwa kweli ya Abidi yee Mulena Mulimu wa hao na ku zwisize mwa naha ya Egepita.

Uka bulayela MULENA Mulimu wa hao paseka, u mu bulayele MULENA kwa likomu ni lingu za hao mwa sibaka sa ka keta kubeya libizo la hae kusona . . .

Ha u ca paseka usike wa ca buhobe bo bu beilwe mumela; ka mazazi a sebene u ce mahobe asina mumela, buhobe—buhobe bwa maswabi kakuli, . . . u zwile mwa naha ya Egepita ka putako: . . . kuli u no hupulanga lizazi lo—lo zwile mwa naha ya Egepita mwa mazazi kaufela a bupilo bwa hao.

Mi kusike kwa bonwa . . . mumela ku wena mwa mazazi a sebene mwa naha ya hao kaufela; haili nama ya sitabelo so eza lizazi la pili nako ya manzibwana kusike kwa siyala sesiñwi sa yona, kuisa habusa kakusasana.

Usike wa eza paseka kuli ufi ni ufi wa minzi ya hao yaka kufa MULENA Mulimu wa hao:

Konji mwa sibaka sa ka keta MULENA Mulimu wa hao kubey libizo la hae ku sona, ki mona mo ka ezeza sitabelo manzibwana lizazi ha li likela, ka nako yo no zwile ku yona mwa naha ya Egepita.

Cwale Mulena aekeze limbuyoti za Hae kwa palo ya Linzwi la Hae.

⁴⁷ Cwale, kana ma maikulofoni anani mutengu nji? Busihu maabani Ne ni utwa kuli nali cwaloo. Kana mwa teeze hande, kaufela mina? Ha mu utwi. [Muzwale Branham u sikulula maikulofoni—Mu.] Kucwani foo? Kana ki hande, kubulela ma maikulofoni inge atalimezifafasi cwana? Ni silezi fela linzwi nyana, kona kuli Ni yemi bukaufi kakusasana cwana ka mulelo woo, mi Ni sepa kuli Muzwale Pearry wakona—wakona ku litisa hande koo. Kana mwa utwa hande cwale? Ni sepa ba lukisize. Ku lukile.

⁴⁸ Cwale, siba... Taba ye Ni bata kubulela kakusasana cwana ki kuli Mulimu una ni fela sibaka silisiñwi koo mulapeli akopana ni Mulimu, sibaka silisiñwi fela. Mwahala masika babañata ba baba batile sibaka sa kunutu sa Mulimu see, mwahala masika kaufela. Mane Jobo nabata ku ziba kwa Na pila, “Kambe Ne ni kaya fela kwa ndu ya Hae ni yo ngongota fa sikwalo sa Hae.” Jobo nabata kufumana sibaka sapila ku sona Mulimu, kakuli teñi Mulimu ni lubasi lwa Hae lu lapele hamoho.

⁴⁹ Sina maabani, mwa linusa maabani kakusasana, lu fumana kuli kuna ni butokwa bwa mutu kuli alapele Mulimu mwa mbango, ni kulapela mwa niti. Mulimu una ni lika ze kaufela ze lukiselizwe luna, kono taba yateni, lu lukela kubatisisa fo luinzi. Paulusi na bulelezi Timotea kuli attiise, ni ku—ku ba mwa nako yende ni yemaswe, ya itukisize kufa li—li—li linzwi kamba... la sepo lene lili ku yena.

⁵⁰ Cwale, lika ze kaufela liteni mo. Mi lu fumana kuli... Linako zeñwi Nitabela kutaha kwa Shreveport ko lukona kuba fela ni libiki zepeli kamba zetalu ka kunga fela mizuzu ye mashumi amalalu mwa busihu ni ka kuluta fela, mwabona, muine fela hande ni Linzwi, likalulo zepatilwe zee, mwabona, ko lukona kufumana fela mwa ku kenela mwahali. Mi mutualimele fela, mulatele litamaiso za Mulimu, kuna ni fela sinotolo silisiñwi kwa sikwalo sifi kaufela. Yeo ki niti. Mi hakuna sinotolo sisili, hakuna taba kamba sibonahala cwani inge sona, Mulimu haana sinotolo sa sikenel; una ni fela sinotolo silisiñwi. Mi cwale, u lukela kuba ni sinotolo seo, kusi cwaloo sikwalo hasina ku kiulua. Hakuna taba kamba u ya sepathala cwani, niteñi haukoni ku si kiulula sikwalo seo.

⁵¹ Cwale, ki ba bakai bene baliteni kwa mukushuko maabani, kakusasana omuñwi? Ku lukile, Ni sepa kuli, mane ki buñata bwa mina nainte pesenti, kamba kufitelela. Ka kukalisa taba yee, ze Ni ka bulela, Davida na tozizwe kuba mulena (na tozizwe

ki Mulimu), mulena yomutuna hahulu yoo Isilaele akile aba ni yena, kwanda Mulena Jesu (ili yena Mulimu) ili Yena Yatozizwe. Davida mwana hae...kamba Jesu neli Mwana Davida kuya ka lusika, lwa nama. Mi Uina fa lubona lwa Davida sina alimuñwi...inge, mwana mu—mu mulena kamita mo alukela kuyolela lu—lu lubona lwa mulena.

⁵² Mulemuhe, cwale, kuli Davida kakuba ya tozizwe, ibo ni tozo yana nani, azwa mwa tato ya Mulena ni yona tozo yateni; mi sicaba kaufela, ha ki kunga muzamao wa Mañolo kamba sinotolo sa sinulo yee, kaufela bona ba tozizwe ni bona, kaufela bona, hamoho, ba huwa ni kulumba Mulimu bakeñisa nto yene bonahalile kuluka hande: kuli batise Linzwi la Mulimu kutaha mwa ndu ya Mulimu. Kono Davida nali yena mulena, isiñi mupolofita. Mwabona? Yena... Nekuna ni mupolofita mwa naha yana ka eza zeo, mi Mulimu ashandaula muzamao kaufela kakuli nebasika itusisa sinotolo se si lukela. Sikwalo sa pala ku kiuluha. Mi cwale lulukela kuhupula cwalo, ni kubuluka litaba zeo mwa minahano. Kuna ni... Likä kaufela za Mulimu, kube nzila iliñwi yelina ni kuezwa kayona, mi kona mafelelezo. Cwale, foo, Mulimu nana ni Keleke iliñwi mo Na katana teñi sicaba, mi Uka mi amuhela mwa Keleke yeo mi hakuna keleke isili.

⁵³ Nibulezi cwalo kakuli linako zeñata ha Ni si ka utwiwa, mi sicaba si ni bulelezi...

Ha nili, “Kana u Mukreste nji?”

“Ni wa Baptist.”

“Kana u Mukreste nji?”

“Ni wa Methodist.”

“Kana u Mukreste nji?”

“Ni wa Pentekota.”

⁵⁴ Cwale, mwabona, seo ha si talusi neba nto yekana ku Mulimu. Usweli fela ku ikataza ni sinotolo sisili mukumbeleti. Kono kuna ni sinotolo se silukile, kuna ni silisiñwi koo Mulimu... Mulimu ha si ka sepisa ku kopana ni wena sina wa Methodist, kamba wa Baptist, kamba wa Pentekota, kamba wa kopano ifi kaufela. Yena mane haana taba ni likopano, za Mu lwanisa.

⁵⁵ Fa Liñusa lelitelele lani, Ni ka Li kutaza kwa tabernakele cwanoñu faa. Mi cwale Muzwale Jack uka Li utwa, mi kipeto mwakona kubona zemubata kueza ka Lona, kakuli Li ka tepiñwa.

⁵⁶ Cwale, sicaba sieza inge kuli Mulimu una ni kukopana fela ni sona fa mayemo a lituto zabona za bulapeli. Cwale, sicaba sieza ona cwalo. Habana neba kuikeza bulikani ni mutu. Ba Trinity kamba ba Pentekota haba utwani ni ba Oneness, neba bona ba Oneness bautwane ni ba Trinity. Ba Methodist haba utwani ni ba Baptist, kakuli alimuñwi ki wa milao mi yomuñwi

ki wa Mukalvin, kacwalo habana kutwano ni hanyinyani. Mi ba keluseza ngana ya sicaba kusili ka bumaswe luli kuli mane ba Iwanisa.

⁵⁷ Ne ni ilo lapela, nako yeñwi, mwa muzuzu wa sipatela. Nekuna ni kalibe yana lobezi kwani inza kula luli, yana ya kwa kupazuliwa, neba kulubela kuli u ka shwa. Kalibe yomuñwi inza lobezi fani (Neni bizizwe ku yo mu lapelela.), Na li ku yena, “Kana wa tabela haiba Ni lapela fa muzuzu nyana?”

⁵⁸ Mi musali ali, “Hoha lisila leo!”

⁵⁹ Mi se Nili, “Uni swalele.” Ni iize, “Ni ka kupa feela tapelo.”

⁶⁰ Musali ali, “Hoha lisila leo!”

⁶¹ Se nili, “Eeni, ima.” Yena ni mwana hae wa mushimani inge ainzi fani, mubonahalelo wa mu *Ricky* cwalo. Mi se Nili, “Kihande, wena ha u Mukreste njii?”

⁶² Musali ali, “Lu ba Methodist!”

⁶³ Nali, “Kihande, Ha ni si ka kubuza zeo, Ni ku buzize haiba u ‘Mukreste.’” Mwabona?

⁶⁴ Mi kacwalo musali ali, “Hoha lisila lani!”

⁶⁵ Mwabona, kakuli mutu yanasi wa Methodist nakayo lapelela musali yana shwani, mi ni yena nali ya cwalo. Kono kakuli ne li sa zweleli kwa kopano ya habo, NASA tabeli neba kuli utwa kamba kuba ni sa kueza ka lona. Haiba yani ya ki Mufarisi, Nali kuba nibone fateni ni yomukana he!

⁶⁶ Mulibelele kufitela muutwa *Nzila Ya Noha*. Huh. Ku lukile. Cwale, ba nahana kuli kopano yabona kiyona inosi fela ye utwana ni Mulimu: “Mulimu haana ku kuutwa konji haiba u wa Methodist, kamba wa Baptist, kamba wa—wa Trinity, kamba wa Oneness,” kamba nto yeñwi yecwalo. Zeo lifosahalile!

⁶⁷ Mi wo kona mulelo waka; kono haiba kuna ni takazo ye—ye cwalo mwa mihipulo ya sicaba yakuba hande... Ha ni lumeli kuli musali na eelize cwalo kakuli... kamba hakuna mutu usili. Wa Methodist nasike kunanuhela ba keleke ya Methodist kakuli na—na ziba kuli ku fosahalile. Muuna unahana kuli ku lukile. Ha ni lumeli kuli wa Trinity wakona ku nyaza wa Oneness, kamba wa Oneness wa Trinity ni wa Pentekota, kakuli ubata kuba ya shutani, u nahana kuli wa lukisa. Mi muna ni ku kuteka munahano wa hae. Mwa ziba, kubo ina ni kufita kwa mafelelezo a mumbeta maneku amabeli kaufela. Kono, muhupule, ku zeo kaufela, haiba kuna ni sika mwa pilu ya muuna kamba mwa pilu ya musali kuli u lumela kuli zeo li “lukile,” kipeto kuna ni kuba kokuñwi ko li lukile. Sina ha Ni bulelanga kamita kuli, “Buliba ha bu bizana ni buliba, ku lukela kuba buliba bobuka alaba kwa pizo yeo.”

⁶⁸ Mwa ziba, lu bulelezwi kuli—kuli nako yeñwi ñibi neizamaya fa likamba la—la liwate, ka mahutu. Kono cwale haisana

mahutu, na fetuhile kuba bipapalala kakuli neina . . . neitokwa bipapalala haizwa fa likamba, folofolo ya boyo hande, kukena mwa liwate; taho yaifa bipapalala mwa sibaka sa mahutu, kakuli neikota kutapa hahulu kufita mo ne i zamaela.

⁶⁹ Ha ni sa hupula muuna tuna yani yanaile kwa Siyendeka minsi kwa Mboela. Neli mañi libizo? Byrd. Ba bulela kuli nana ni koti yana lukezi likomu, mwa taba yateni; kuti naisize likomu kwa mabisi. Mi aeza likubo za bulizi kuli apese likomu zani kwa silami. Kono cwale hayofita kwani, nelisatokwi koti ya bulizi ni yekana, taho ilifile kale iliñwi. Mwabona? Kiñi? Kusikaba kale ni muutwa fa mukokoto wa tapi, nekuna ni kuba mezi kuli itape kusi cwalo neiske yaba ni muutwa fa mukokoto. Kuna . . . Kusikaba kale kota kumela *fa* lifasi, neku lukela kuba mubu fakuli imele fateni, kusi cwalo nekusike kwaba kota.

⁷⁰ Kacwalo, mwa bona, haibile fela kuna ni sesiñwi mwa pilu ya mutu sesibiza nto yeñwi, kuna ni kuba sesiñwi mwateni sa ku alaba, sa kutalimana ni pizo yani.

⁷¹ Musali . . . Neku ba pazuzi musali yana shwile kubona sene si mu bulaile. Mi libaka, neba—neba bulela kuli, sene si mu bulaile, na cile nyanisi kuswalelela, nako kaufela. Hana saci nyanisi, toho ya hae neiyuwa, ni zeñwi kaufela; ba palelwa ku li eza. Kacwalo ha ba pazula, ba fumana sinama sene si melile; nebana ni—ni libizo la sona. Mi ba nga sinama sani basibeya mwa mukeke wa nyanisi, mi sa shengununa nyanisi kaufela busihu bulibuñwi. Mwabona? Neli sikamañi? Neli nto yeñwi yeneli ku musali yene biza nyanisi, mi kambe nekusina nyanisi nekusike kwaba sinama sene si ka shoshela.

⁷² Ka manzwi amañwi, kuna ni kuba Mubupi pili, kusikaba kale pupo. Mwabona?

⁷³ Cwale, mwa pilu ya mutu kuna ni nyolelo, sina Methodist, Baptist, Presbyterian, Katolika, zeñwi ze kaufela, balika kuñumana nzila iliñwi ya niti yani, mi ba bulelwa ki baprisita ni balisana babona, ni babañwi cwalo, kuli “Ye ki yona nzila ya niti.” Ba li, baprisita bali, “Hakuna puluso kwanda keleke ya Katolika.”

⁷⁴ Kihande, keleke ifi ni ifi iipeya kuba . . . ni mulelo wa yona. Babañwi habana ku lumela, kono ba lieza ka likezo za bona. Likezo za hao libulela ka kuhuwa kufita manzwi a hao. Feela ki . . . Ka manzwi amañwi, ki baipi feela kufita ba Katolika moba inezi. Ba Katolika ba li bulela hande habali, “Ni lumela kuli ye kona nto yelukile,” kono ha baezi cwalo. Ba lipata, kono likezo zabona lipaka ze ba nahana. Mwabona?

⁷⁵ Cwale, ku lukela kuba he ni sibaka silisiñwi, kakuli kuna ni takazo mwa pilu ya mutu ya kufumana Zeo. Mi Ni nahana kuli Linzwi la Mulimu lina ni kalabo kwa sika kaufela selutokwile. Kacwalo Mulimu una ni kalabo, mi halu batisisenii mwa Mañolo. Mi cwale haiba Mulimu uka lu bonisa ka Mañolo sibaka sinosi

fela seo, mafulo ateni ao, (kopano inosi fela, haiba ki cwalo), nzila inosi fela yeo Mulimu akona kupana ni mutu, kona kuli luna ni ku kumalela ku yona kakuli lufumani Niti mwa Bibele, se I bulela.

⁷⁶ Cwale, linzwi lelili *Deuteronomia*, linzwi leo litalusa “milao yemibeli,” linzwi *Deuteronomia*. Mi Mulimu una ni milao yemibeli. Milao yemibeli: ulimuñwi wa yona ki ku sa utwela Linzwi, ni kushwa; mi omuñwi ki kuutwela Linzwi, ni kupila. Yeo kona milao yemibeli, mi *Deuteronomia* italusa milao yemibeli. Bubeli bwa yona cwalo ibonahalile ku luna mwa Mañolo. Ulimuñwi wa yona ki lifu, mi omuñwi ki Bupilo; Bupilo ni lifu. Mulimu utalimana ni Bupilo, Satani yena ki mwa lifu kihona. Mi ze neli bonahalizwe patalaza, fapila meto liito kaufela, mi hakuna buinyazo ku luna. Iliñwi ya yona, ne i bonahalizwe fa Lilundu la Sinai hane kufiwa mulao, ono nyazize lubasi kaufela lwa batu kuisa lifu; omuñwi no filwe fa Lilundu la Kalvari, ono tisize lubasi lwa batu kamukana kwa Bupilo, fani ha kulifiwa tifo ku Jesu Kreste. Milao yemibeli ya *Deuteronomia* ne i talelelizwe kuyona yemibeli, lika zetuna.

⁷⁷ Ni bata kuli mulemuhe hape, nekuna ni hape bulikani bobubeli bone bufilwe. Bulikani bwaka nebufilwe ku Adama, bone buli ka milao, inge mulao: “*Haiba* hauna kuswale se, kipeto uka pila; kono *haiba* u swala kwateni, u ka shwa.” Wani neli mulao. Mi kwaba mulao omuñwi ono filwe ku Abraham, onoli ka sishemo, kusina milao lao: “Ni ku pilisize wena ni peu mwa mulaho wa hao.” Amen! Wani ki mufuta wa Kalvari, isiñi mufuta wa—wa—wa bulikani bwa Adama, ki bulikani bwa Abraham.

⁷⁸ Kono cwale lwa Muutwa ha bulela kuli kuna fela sibaka silisiñwi ko Akatanyeza mutu kuli alapele. Lu balile cwalo mwa palo yee. Lu ka li swanisia, hape, ka mizuzu yelikani.

⁷⁹ Mi haiba kuna ni sibaka silisiñwi seo Mulimu akopana ni mutu, kihande lu tokomele hahulu. Cwale ha lu beyenii kwatuko lizo zaluna kakusasana cwana, mi . . . mwa tuto ya sikolo sa la Sunda yee, mi lubone hande kuli lufumane sibaka silisiñwi seo. Kakuli, Mulimu na bulezi fa, Haana ku ku amuhela mwa sibaka sisisi. Keleke ifi kaufela, Haana ku ku amuhela ku yona. Feel aki mwa Keleke ya Hae, kona sibaka sinosi fela Kwa ka ku amuhela.

⁸⁰ Cwale, “No ka bulela sikamañi, Muzwale Branham? Haiba Na sepahala?” Batili.

⁸¹ Muhupule, Jesu na ambola kwa batu baba sepahala, balapeli ba lizazi la Hae, mi ki Hali, “Ba Ni lapela mwa mbango.” Kiniti, milapelo ya niti kuzwelela kwatasa lipilu za bona. “Ba Ni lapela mwa mbango, baluta tuto ya litaelo za batu,” kamba lituto za litumelo za kopano. Ka kusepahala, ka likute, ka bulapeli fela mobakona kubela. Mi zeo ne si zenca kwa Bafarisi. Kaine ni Abele, balapeli bababeli bene ba pepilwe, kupepwa kwa nama faa, fa lifasi, ka swanelo nebatile ka mukwa o swana.

⁸² Kaine nali fela wa bupaleli sina Abele mwa na bezi. Bubeli bwa bona ba yaha tutala. Bubeli bwa bona nebalata Mulimu. Bubeli bwa bona ba fa litabelo. Bubeli bwa bona ba lapela. Bubeli bwa bona bafa za bulishumi. Bubeli bwa bona ba eza zeswana. Kono Abele, ka *tumelo* ili “yona sinulo,” Linzwi la Mulimu leli patuluzwi, leli patalalizwe, leli bonahalizwe, ni kupakiwa hande. Kanya! Kaine afa nubu, kono Mulimu na si ka li paka. Mulimu na tokwa milapelo, mi Kaine afa nubu, kono Mulimu na si ka lipaka. Kono ka nzila ya niti . . .

⁸³ Mu li, “Kihande, keleke yaka ki Yona. Mawi . . .”

⁸⁴ Libelela fa muzuzu fela. Mulimu wa itolokelanga Linzwi la Hae Tota ka milao ya Lona ya Na bulezzi ka yona. Mwabona, Kaine ali, “Niwa bulapeli. Ni mulati wa Mubupi waka. Ni fa ku Wena se fa aletare yende yee. Ni fa ku Wena sitabelo see. Ni yahile lika ze kaufela kulo fa, Mulena, kakuli Na Ku lata.” Abele na bulezzi nto yeswana. Cwale ki sona se si pakilwe, sona se si bonahalile. Mi Mulimu atuluka ni ku amuhela sitabelo sa Abele, kakuli ka sinulo na fitile fa muzamao o swanelia wo Mulimu na amuhelwa.

⁸⁵ Cwale mutualime moyo wa Kaine wani hautahafafasi mwa Mañolo, mane ku to punya ni lizazi la mafelelezo lee. Ka milao? Kuya ka milao fela sina yomuñwi mwa na bezi.

⁸⁶ Amutalime mupolofita Balamu ni mupolofita Mushe. Bubeli bwa bona ni tutala totu sebene, tutala twa Jehova, mali kai ni kai kaufela; mi isiñi zeo fela, kono ni totolo kuyeñwi ni yeñwi. Mwa lituto za linombolo, ki yona nombolo yeswanela, *sebene*, “kupetahala,” litotolo ze sebene. Ona cwalo fela ka kuswana, tutala totubeli. Kuya ka kuziba litaba, ni yomuñwina ziba cwalo. Kono ki mañi yana pakilwe ki Mulimu? Mwabona? Mwabona? Ki yanali mwa Linzwi la Hae. Kuya ka buino bwa lika hakutalusika zetuna; ki sinulo ya Mulimu.

⁸⁷ Cwale munahane! Baana baa, kiñi hane ba si ka bizwa ni kubeiwa mwa buino boo (bona Bafarisi bani) ka Jesu, naize, “Mu Ni lapela mbango”? Neba Mulapela: milapelo ya luli, milapelo ya niti kuzwa kwa lipilu zabona. “Mina . . . Mu Ni lapela mbango.” Kiñi? Muluta lituto za lizo za batu. “Kabakaleo mufeza mata litaelo za Mulimu kwa sicaba.”

⁸⁸ Haiba Ni mi lutive liñusa la Methodist, halina kuba ni mata ku mina, ye ki nako ya Munyaliwa. Haiba Mushe naluta liñusa la Nuwe, nelisike laba ni mata. Haiba Jesu naluta liñusa la Mushe, nelisike laba ni mata. Kakuli peu ye lelilwe kale neiliteni mwani yene ka selaelwa fela ka mufuta wa mezi alukiselizwe peu yani. Mwabona? Haikoni kuhula ka buino busili fela. Ilukela kuba buino bo bu i hulisa.

⁸⁹ Cwale, mwakona kunga lii la kuhu ni kulibeya mwa sifutumaliso, leli lukela kuba fa siyaleto sa kuhu, kono lika ndondola nihakulicwalo. Mu libeye fo kulobezi njafafasi lika

ndondoka. Ki mufutumala, buino bo bu li ndondola. Kacwalo lina ni kuba mwatasa buino. Mwakona kunga lii lelinde le lipila ni kulibeya mwatasa kuhu yeshwile, halina kundondoka. Mwabona? Mwabona, ki buino.

⁹⁰ Kihande, kona mokuinezi mwa lusika lolupila kulona loo, u lukela kufumana nzila ya Mulimu mwa kuezenza lika mwa lusika loo. Kona sa na fumaní Martin Luther, kona za na fumaní John Wesley, kona zene bafumani ba Pentekota mwa lusika lwabona. Lusika lwa Mulimu ni nako yakueza cwalo.

⁹¹ Cwale, ma Pentekota. Muzwale yani, alimuñwi . . . Ni lumela kuli . . . leliñwi la meto a hae nelí zwile, muzwale yomunsu yana kalisize liñusa la Pentekota mwa California, kwa nzila yebizwa Azusa Street. Ne ba museha, kakuli neli yomunsu. A boniwa bukuba, kono atisa liñusa kwa lusika lwani. Wa mibili omusisani feal, mutu ya na sa koni neba kuñola libizo la hae, kono Mulena amu patululela kuli lo neli lusika lwa kukutisezwa kwa limpo zani, mi za taha. Hakuna taba *sene* si bulezwi, za to ezahala. Kono mañi ni mañi akena mwa buino bwa sibaka, mi abona kuli neli lona lusika lwateni, mi babona Mulimu hapaka kuli sicaba sani nesi buleka ka malimi, ni zeñwi cwalo, kwa ezahala. Kono he ha yo lifitisafafasi kuli “boo kona bupaki,” kona zene li bulaile. Mwabona? Azwelapili cwalo, mwabona. Kona zene ezahalile. Mi bakala kukauhanya *se*, *sani*, ni kueza likopano; mi yomuñwi utaha fa malu, mi yomuñwi utaha mwa sicacani. Mi, oh, mawi, kifohe cwale.

⁹² Kona mo li evezanga likopano. Mwabona? Mulimu ha kiyena mukalisi wa kopano, kakuli kopano ki Babilona, mi Yena ha kiyena mukalisi wa kulyangana. Lwa mubona kaufela . . . Mane haukoní kuba ya itutile hahulu fa kubona zeo. Ki Babilona! Mwabona? Sizo (munahane ka zona), sicaba sesi sephahaha. Cwale, niteñi, kakuli ba lumela cwalo, kusana ni kuba ni sibaka silisiñwi sesi sephahaha koo Mulimu akopana.

⁹³ Cwale mulemuhe timana 2. “Mulapele mwa sibaka se Ni ketile.” Ki sitabelo, eeni sha, kone ba lapelela fa sitabelo. “Sibaka se Ni ketile; isiñi se muketile, sa ketile mutu. Kono ki se Ni ketile, mulapele mwa sibaka se.” Ku bonahala kuli ki sibaka silisiñwi, zeñwi ki mbango. Hailukeli kuba keto ya *mina*, kono ilukela kuba keto ya Hae.

⁹⁴ “Kihande, Hani lukeli kuya kwa keleke.” Kusicwalo, “Muna ni munahano o musisani! Kiñi, mu ka kanana ni basali babakutaza, mi . . . kamba basali ka za kukuta milili yabona, ni baana ba litaba zeñwi zee. Kiñi, muna ni ngana yesisasani hahulu!”

⁹⁵ Ku lukile, hamulukeli kunga nzila ya Mulimu ka zona, muzwele kwande, ko ba li mamela. Mwabona? Mi muka fumana kuli liteni mwa Mañolo, kacwalo, “Ba Ni kubamela kusina tuso.” Jesu na ambola litaba zeswana. Mwabona?

⁹⁶ Ona towati nyana yani, lika kaufela, una ni kuba ya sephala. Kamita ki mutai omunyinyani—ki mutai omunyinyani, luwawa lwa mwana—lwa mwana lo lu lusinyanga veine. Linako zeñwi mwa siya . . . Ha ki lika zetuna zo eza, ki lika zenyinyani zo siya lisika ezahala. Muhupule, liwenge litiyezi fo kufokozi mukwalo. “Bana ni mbuyoti baba tokomela milao *kaufela* ya Mulimu, kuli babe ni tukelo ya kukena mwahali.” Kueza *kaufela* Mulimu za bulezi, mi I bulezi kwa basali kuba ni milili yemitelele.

⁹⁷ Mu li . . . Muuna na ni bulelezi nako yeñwi ha ki kale hahulu, kuli, “Ha ni kutazi bulapeli bwa mufohola.”

⁹⁸ Na li, “Kipeto ha u kutazi Evangeli.” Eehe.

⁹⁹ Mulimu ulibele fani, Na bulezi sa kueza. Mi ukaba wa lieza . . . Zeo ki zamina zamina, nto yende. Nto mañi yenyinyani . . . sikamañi . . . kanto kakalikani kakasina tuso. Jesu naize, “Ba fuyozwi babaka amuhela nto yenyinyani, kueza nto yenyinyani.” Mi musali kuli ahulise milili ya hae, zeo fela ki . . . kiñi, kinto yeñwi fela *musali* yakona kueza, mi mane haana neba kueza cwalo. Musali mane haana kueza cwalo.

¹⁰⁰ “Oh, u lu lute lika zetuna.”

¹⁰¹ Ukona cwani kuluta lika zetuna, kanti mane haukoni kueza lika zebunolo, lika ze zibahala? Kakuli, mwa bona, mulelo wa hao ni munahano liifosahalile.

¹⁰² Ki lilato la hao ku Mulimu, “Mulena, Hanina taba So bata kuli ni eze, Ni tabela ku si eza.” Kipeto ulibile kulo, kono ha u sa ezi ka mukwa woo, ka Mwa na bulelezi mwa kuezeza . . .

¹⁰³ Ki keto a Hae, “Sibaka se Ni ketile.” Kona ko mulapela ni sitabelo sa mina.

¹⁰⁴ Mu bea . . . Kaine natisize sitabelo sa hae, Abele atisa sa hae, kuitingile kwa sibaka so sitisa teñi. Haiba u si tisa mwa sibaka Sa ketile, kukaba hande, Uka si amuhela; haiba ha ku cwalo, Haana ku si amuhela. Haana taba . . . ki sitabelo sesiswana, kaufela seo sili sona, si sali mwa . . . sihanilwe, konji haiba sitiswa mwa sibaka silisiñwi sani.

¹⁰⁵ Cwale lu bata kufumana ko lubata kutiaa sitabelo seo. Ne lufumaní kuli . . . Kaufela lubata kuya kwa Lihalimu. Nji cwani? Mi kaufela lwa ziba ze lufosize. Kaufela lu lumela kuli Jesu ki yena Sitabelo. Cwale lubata kuziba kwa ku Muisa, sika—sika amuhelwa. Mwabona? Yeo ki niti. Bibele ya lu bulelela kwa ku si isa, mwabona, mi si ka amuhelwa; kwande a koo, hasina ku amuhelwa.

¹⁰⁶ Halu lemuheñi hape fa sibaka Sa ketile kuli kubeiwe sitabelo, sibaka Sa ketile kubeya sitabelo. Hamukoni kusibeya ku yeñwi ya minyako ye; kono konji sibaka Sa ketile ku sibeya teñi, U beile teñi ni Libizo la Hae mwa sibaka seo. Kona Za bulezi fa. U ketile kubeya Libizo la Hae ku sona. Cwale ha lu

baleñi Mañolo kwa sibaka seo, kakuli ki sona sibaka mo Abeile Libizo la Hae.

¹⁰⁷ Cwale halubaleñi mwa palo. Mi Ni bile ni kapepa kakanyinyani fa ko Ni...kakusasana cwana, kakatile kuna. Halungeni timana ya 2 mwa kauhanyo yee. Cwale, Hani lati ku mi buluka nako yetelele hahulu, bakeñisa sicaba, babali kwande fa mihala yee. Cwale timana ya 2 ya kauhanyo ya 16 yee:

Uka bulayela MULENA Mulimu wa hao paseka, u mu bulayele kwa likomu ni lingu za hao, mwa sibaka sa ka keta Mulena kubeya libizo la hae kusona.

¹⁰⁸ Cwale, haukonì kunga se...busepahali bwa hao ni lika kaufela zobata kubulela, zeo haukonì fela ku liisa kwa aletare yaba Methodist, kwa aletare yaba Baptist, kwa aletare yaba Pentekota, kono kuna ni aletare kokuñwi yeo Aketile kuli Uka...kubeya teñi Libizo la Hae kuyona, mi Uka kopana ni wena mwa sibaka seo. Cwale, haiba una ni lika kaufela inge lizamaya fela hande, lika zamaya; kaufela liba mwa sikuka hande. Haiba kuna ni kukauhana mwa muhala wani, liseli lani halina kumonyeha; kakuli upumehile. Mi ha u nga leliñwi la Manzwi a Mulimu kamba sesiñwi sa libaka za Hae, mi mwa pilu ya hao luli una ni milelo ya buitati, sika puma mata a Mulimu ona foo. Haiba ueza cwalo kakuli ubata kuba ya butali, ubata kuba ya shutani ni yomuñwi, kamba sesiñwi, ona foo a pumeha, uka pancisa muhala. U fosize. Una ni kutaha ka busepahali, ka pilu ya hao kaufela. Milelo ya hao ni minahano, itomilwe hande ku Mulimu. Kubata sibaka sa *Hae*, ufumane Fa bulezi, mi utise teñi. Mwabona?

¹⁰⁹ Mutualime Maretà ni Maria. Jesu ha kutile, Amano ba luta Evangelì yee (ili Liseli la lizazi la Hae, Yena ka kuba Mesia), Na toilwe, ahaniwa. Oh, Bafarisi ni likeleke ba Mu timbooka. Kono Lazaro na sa shwile, muzwale yanali mulikani wa fa pilu ku Yena. Amu tuhela kulobala mwateni; mi ba Mubiza, mane Nasika taha.

¹¹⁰ Kono mutualime Maretà, mubonelo wa hae. Abulela kuli, "Mulena, kambe Noliteni kwanu." Amufa lilumbatina la Hae leliswanela: Mulena, M-u-l-e-n-a ka litaku zetuna *Yahweh*, Jehova. Kanya! "Kambe Noli kwanu, kezela ka kambe ha si ka shwa." Bupilo ni lifu halikoni kuswalisana mwa sibaka silisiñwi, kamba ndu yeswana. "No ka...Kambe ha si ka shwa."

¹¹¹ Jesu ali ku yena, "Kina zuho ni Bupilo," kubulela Mulimu. Mwabona? Ha Na bulezi pili, kuli, "Kezela hao uka pila hape."

¹¹² Mi ali, "Eehe, Mulena, Na lumela cwalo luli. Kakuba Mujuda wa musali Ni lumela kuli kukaba ni zuho ya bafu kamukana; mi Ni lumela kuli kezela ka neli ya likute mwa milapelo ya hae. Mi Ni lumela kuli ki Wena Mesia, ya bulezwi mwa Bibele, kakuli Mulimu hapaka Linzwi la Hae ku Wena kubonisa kuli ki Wena Mulumiwa wa nako yee. Ki wena Mesia yani. Ni lumela kuli ki

Wena Kreste yana lukela kutaha, kakuli misebezi ya Hao ipaka kuli Mulimu ki yena ya Ku lumile kwanu kuba yena Mesia yoo.” Oh, mawi! Mutualime meeno a lisipi mwa ka swalanela hande. Mwabona?

¹¹³ Cwale, nana ni tukelo ya kubulela kuli, “Kiñi ha U si ka to zusa kezela ka? Kiñi ha U si ka mufolisa? U folisize babañwi. Yena mulikana hao luli, mi cwale talima sesi ezahalile.” Batili, batili, munahano wa mufuta o cwalo hakuna ko ukona kufita.

¹¹⁴ “Ni lumela kuli Wena u bapanyizwe hande mwa Mañolo kuba cwalo. Ni lumela kuli le kona lizazi la lukela kutaha Mesia; lubile lu libelela cwalo. Hanina taba kamba babañwi ba bulela sikamañi. Ni lumela cwalo ka pilu yaka kaufela, ka se Ni boni ni ku utwa ka Linzwi, kuli Linzwi lipakilwe ku Wena, kuli U Mesia wena.” Mwabona, mwahali ku yena, musali—musali nana ni sa ku kupa, kono nana ni kutaha ka nzila yeswanelo.

¹¹⁵ Kucwani kambe na ka taha kuto bulela kuli, “Mi kipeto U ni bulelela kuli mi Wena Mesia! Mane kusina neba likute, haukomi neba kualaba kupo yaluna; hane lu Ku fepa ni lapa la Henu, ni lika kaufela, ni ku Ku yemela, mi lwasiya likeleke zaluna, sina ha No lu laezi kuli luzwe mwa likopano zani.” Mwabona? “Mi fa lu li siile, kono se lu talimwa sina babasina tuso ni bahanyezi. Ni lika kaufela ze lu Ku ezelize, mane kutokwa neba likute kuli ualabe pizo yaka?” Cwale, ka swanelo, nabile ni zona hande.

¹¹⁶ Inge mo mu bulelela ka milili ya mina yemi kuswani, “Na ni mu American. Nakona kutina tuputula, kueza sika kaufela se Ni bata kueza, hakuna mulao.” Zeo kona litukelo zamina, kono ngu kamita ina ni kutoboha litukelo za yona. Uh-huh. Haiba u ngunnyana, hauna sika kwanda boyta, ika li toboha. Zeo ki litaelo zayona zeifilwe, kono ya li toboha.

¹¹⁷ “Nina ni tukelo ya kukopana kwa kopano kaufela.” Yeo luli ki niti, kono wa li toboha. Mwabona?

¹¹⁸ Musali na tobohile litukelo kaufela zana nani, ka kulemuha Linzwi la Mulimu lene li bonahalile fapila hae.

¹¹⁹ Mi ali, “Kina zuho ni Bupilo. Ya lumela ku Na, niha shwile, uka pila hape. Kaufela yapila mi alumela ku Na haana kushwa. Kana ulumela cwalo?” Mwabona, nekuna ni pulelo nyana yana ti lo bulela hande. Mwabona?

¹²⁰ “Eehe, Mulena! Ni lumela kuli ki Wena Kreste, Mwana Mulimu yapila!” O muzwale, lika kaufela neli libelezi kutumbuka mulilo ona fani. Mwabona?

¹²¹ “Mu mu beile kai?” Mwabona? Mi mwa ziba zene ngile sibaka.

¹²² Mwabona, u lukela kukena mwa sibaka sesi swanelo sani Asika amuhela kale sitabelo sa hao. Mwabona, lina ni kukena mwatjeni. Cwale, mutualime.

*. . . mwa sibaka sa ka keta MULENA kubeya libizo la hae
ku sona.*

Usike wa ca mahobe abeilwe mumela; . . .

¹²³ Seo siswanisa sikamañi mwa sitabelo? Musike mwa li kopana ni tuto ya tumelo kaufela, si lukela kuba Linzwi. “*Mahobe asina mumela.*” Mumela ki . . . Mwa ziba seo mumela uli sona mwa sika kaufela. “Mumela omunyinyani uhilisa liñende kaufela,” liñende kaufela ki Mubili. Haukonî kubeya towani iliñwi mwa lituto za tumelo ya kopano kamba tuto ya tumelo ku Kreste. Batili, sha, halina kubeleka.

¹²⁴ Mwa hupula la liñusa la busihu la Bune? Muuna hao ya supezi sa shwile. Kiniti. Muuna hao yomunde ki Linzwi.

*. . . uka ca ka mazazi a sebene mahobe asika
umelwa; . . .*

¹²⁵ “*Mazazi a sebene,*” seo siswanisisa sikamañi? Ki Masika A Likeleke Zesupa, mazazi a sebene. Kiñi hane ba lukela kuaca ka mazazi a sebene? Basika sikamañi? Basika zwela kale kwande. Mi lusika lwa keleke kaufela, kuzwa kwa simuluho kuisa kwa maungulo, luna ni kupila fela ka Linzwi la Mulimu la lusika lwateni. Kona kuli tuto yamina ya tumelo ya Roma, Methodist, Baptist, ni tuto ya tumelo ya Mapentekota kaufela nelishwile.

¹²⁶ Cwale mutualimele.

. . . kifohe, ili buhobe bwa manyando; . . .

Kunyandiswa ka Lona; Luther, Wesley, Mapentekota; kaufela neba nyandisizwe, ni mina muka nyandiswa.

*. . . kakuli u zwile mwa naha ya Egepita ka putako: . . .
usiyale cwalo kuisa lizazi ha . . . uno hupulanga lizazi
lo no zwile naha mwa Egepita mwa mazazi kaufela a
bupilo bwa hao.*

*Mi kusike kwa bonwa mahobe a beilwe mumela
mawahala . . . mwa naha ya hao kaufela ka mazazi a
sebene; . . .*

¹²⁷ Ku Munyaliwa yomunde wa Kreste, kasamulaho wa lifu la Hae ka Masika a Lififi ka muzamaisi wa Muroma, kuli Na shwile, “Haisi kuli bubeke bwa mbonyi buwele mwa mubu.” Munyali natile, Siemba sesikwanile hande sa Mulimu. Kaufela mina mu utwile liñusa laka ku zeo.

¹²⁸ Mi Na yema kulo mwani Los Angeles, kwa Forest Lawn, zazi leliñwi, mi pilu yaka yatula. Ki ba bakai bibile kwa Forest Lawn? Kuna ni . . . siswaniso sa Mushe ka—ka . . . -angelo, Ni lumela kuli ki Michelangelo. Mi ki siswaniso sesinde, kaufela sona konji fa liñwele la silyo; kuna ni musima mwendi licika la inci mawahali. Mi muzamaisi . . . Ne ni sweli kutalimela, mi ani supeza ona. Ki hali, “Michelangelo na ngile nako ya bupilo bwa hae ku—ku eza . . . Nali mubasi, mi nalika kupanga siswaniso

sa Mushe. Mwa munahano wa hae, na hupula Mushe mwa na bonahalela. Na nza hupula cwalo mwa pilu, Mushe mwa na lukela kubonahalela. Mi ki anga nako ya hae ya bupilo; acakula hanyinyani fa, ni kupukuta fateni, ayema fahule nyana ni kutalima fateni. Mwaha ni mwaha, na nza beleka cwalo. Mafelelezo hasiyo fela, mi akuta mwa mulaho abeyafafasi lisila la hae ni sando, atalima siswaniso. Ne si petehile luli sona siswaniso sa Mushe sana nani mwa pilu ya hae, kufitela abata ku lyangana, apamula sando ni ku pobola fateni, ahuwa ali, ‘Bulela!’” Si bizwa kuli *Siemba Sabutokwa sa Michelangelo*. Nto yetuna yeneli ku mubeti yani, pono yana bile ni yona yani ya Mushe mo nalukela kubela, ne si bonisa fela mwa mufuta wa Ndate yomutuna yena Mulimu.

¹²⁹ Nana ni mwa pilu ya Hae, kusikaba kale mutomo wa lifasi, Mwana, kakuli Yena ki Ndate. Kono nelisali mwa misinga ya Linzwi la Hae. Mi Abupa mutu, mi Nana ni kubeya ku yena tukuluho ya kuketa, kono mutu yani awa. Kono Mubeti yomutuna, Mulimu, yana ezize mutu fa liluli la lifasi, Na si ka tuhelela ona foo, Akala kubupa mutu hape. Mi Abupa Nuwe, ashwa inza kozwi. Abupa Mushe mi apalelwa kubuluka Linzwi la Hae. Abupa bapolofita bene ba saba mwa nako ya butata. Mi Azwelapili kuyaha ni kubupa kuisa ha Na bata kuba ni—ni siemba sa butokwa, kuli si bonise Yena, sibupeho sa Hae, sene sili mwa pilu ya Hae seo mwana na lukela kuba sona.

¹³⁰ Zazi leliñwi, kwani kwa Jordan, kasamulaho wa Siemba sa butokwa simano bupiwa ni kueziwa, kiyo Ataha inza lumilwe fa...neli fa mafufa a Nkwilimba, ali, “Yo ki Yena!” Na tabezi hahulu ka Siemba sa butokwa se kufitela A Mu nata fa Kalvari, kuli Akone kushwa, kakuli luna babañwi nelu si ka luka; kuli ka kusuluha kwa Mali a Hae, Akone kutisa liemba zabutokwa zeñata (kakuba Munyaliwa) ku Mwana a Hae. Siemba sabutokwa si lwaliwa ka tabo ya Mulimu kubona kuli Siemba sa butokwa, A Mu nata bakeñisa luna kaufela. Mwabona? Fani A shwa, ili kupetahalisa luna baba si ka petahala. Siemba Sabutokwa.

¹³¹ Mulemuhe fa. U ize:

...mazazi a sebene mucé mahobe asina mumela...

¹³² Cwale, buhohe bu swanisizwe. Jesu naize, “Mutu haana kupila ka buhobe feela, kono ka Linzwi kaufela.” Isiñi fela—fela Linzwi fa ni fani sina likopano mobatela kuli mu Li lumele. Kono Linzwi la Mulimu li petehile! Ki Mulimu yena Kasibili mwa mufuta wa litaku, ubizwa kuli “Peu.” Mi mufuta o lukile wa tumelo yesika zwakana ni Linzwi lani uka tisa Peu yani kwa Bupilo.

¹³³ Ona zeo kona ze mubonanga busihu bwa litemuho, ni lika zeñwi ze kaufela, kakuli ki sepiso yafile Mulimu. Mi Ayema bukaufi ni na ani bulelela kuli, ni kubulela kuli “mahata ba

baka taha, kono uyeme ka kutiya.” Na lumela Cwalo. Mi hakuna mulelo wa buitati, ili kuholofaza mutu, kono ki kuba ya likute ku Mulimu ni kwa musebezi Wa ni bizelize kueza, kona ze Ni bulelela lika zee. Mi Mulimu wa li paka, ni kuamuhela nubu ni sitabelo, ka ku sipaka kuba Niti. Hakuna puzo ka Zona! Cwale mutokomele Linzwi!

¹³⁴ Cwale, lwa lumuha fa, “*mazazi a Sebene*,” zeo ki za masika kamukana. Cwale, sina Siemba sa butokwa sani hane sina ni kushwa, ili kuli sizuhele ku to pulusa kamukana luna. Mi Aba ni keleke yene kalile la Pentekota, kono Keleke yani neina ni kufita mwa sitabelo; mi lifasi la Maroma la i bulaya, kuipumbeka mwa mubu.

¹³⁵ Sina muñoli wa buka ye yoo, Hanisa i hupula cwale, na ni sehisa luli, mi ali, “Kwa madimona kaufela, ki William Branham.” Mwabona, zeo kona zalika kubulela diabulosi. Na ize, “Lipono ni lika zeñwi,” ali, “zeo ki za diabulosi,” ki hali, “kamba, ki mufuta wa masalamusi, kamba ya beleka ka kulyangisa minahano.” Lifasi la ngana ya butu kamita li lika ku Li nahanelia musili.

¹³⁶ Foo kona fone balikile ku akaleza Jesu. “Kana U eza cwani lika ze? Ki sikamañi sene si li eza?”

¹³⁷ Mi ali, “Ni ka mi buza puzo. Kana bulumiwa bwa Joani Mukolobezi... Neli bwa Mulimu kamba neli bwa batu?” Mwabona?

¹³⁸ Bali, “Halukoni kubulela.”

¹³⁹ Ali, “Nina kanti ha Ni mi buleleli.” Yeo ki niti. Ba zwelapili. “Kuzwa cwale kutokwe mutu ya Mu buza sika.” Mwabona? Aba kwala fela kubatima, Na si ka ba bulelela sika ka Zona; ne si za butokwa kubona. Nana ni musebezi wa kueza mi A feza.

¹⁴⁰ Mulimu lutuse kuli lueze zeswana. Halu lukeli kualaba lipuzo za diabulosi, yeo ki niti, “Haiba ki wena, eza sa *kulin-kuli*.” Una ni buikalabelo kwa Evangeli yeo, wena mukutazi uewalo, ni kufelile; isiñi ka mo I ñolezwi, ki buikalabelo fela ka ku Li bulela.

¹⁴¹ Mi mutanga, haiba u mupolofita, u ikalabelo ku Mulimu. Mi haiba lipono zetahanga limonyehela fa Mañolo a ni kubonisa Seo ali sona, muna ni buikalabelo kwa Linzwi kaufela leli mwa Bibebe yeo, kakuli Ne li kamukana lona liñozwi ka batu babaswana ni mina. “Mulimu kwa kale na zamaisa, bapolofita, mi ba ñola Ye... Bibebe Yekenile.” Mwabona? Mi hakuna mupolofita wa niti wa Mulimu yakona kulatula Linzwi li liliñwi la Yona, kono una ni kulumela Linzwi kaufela ni kukutaza zeswana. Mi kipeto Mulimu una ni musebezi kuya ka muzamao wo ni kubona kuli Linzwi leo litalelezwe ka swanelo fela mo Li sepiselizwe fela, mi Peu ika hula.

¹⁴² Cwale mulemuhe hape, kapili lufumana fa kuli mazazi a sebene kaufela ao buhobe bo nebuna ni kuciwa, mwahala Masika Asupa A Likeleke. Cwale, hana shwile ni kukena mwa mubu.

¹⁴³ Mi yena munyefuli yana bulela zaka yoo, ali, “Ka Mulimu yo mina sicaba mulapela, yakona kuina mwa Masika a Lififi ni kutalima bahame bani, babaitwezi, ba bañwi ba bona ni tumbututu totunyinyani mwa mazoho abona, batu baba sephala, ba nepelwe mwa sibaka mo litau liba pazaula mwa liemba-emba, inge ba huwa; kuba kokotela fa lifapahano ni kuba cisa ka mulilo; kutubula basali mapunu, balanjo ba banana, ni kuba nepela kwa mulaho *cwalo*, ni ku ba kwalulela litau.” Bali, “Mulimu yakona kuina mwa Lihalimu, ali kuina fa lubona lwa Hae, mi atalime fasasi abulele kuli Wa ikola zona,” babulela.

¹⁴⁴ Mi, mwabona, woo ki munahano wa ngana ya butu woli wa diabulosi. Kambe muuna yani neli wa moyo, naka ziba kuli buloto bwani nebulukela kushwa, nebuna ni ku pumbekwa mwa muyaho wa litapelo wa Maroma.

¹⁴⁵ Kono he lushaba Iwapili lwa Bupilo lwa taha mwa kuongaongiwa ki Martin Luther, kuli, “Ya lukile haana kupila ka sinkwa sa lukisize muprisita, kono ka Linzwi la Mulimu. ‘Ya lukile uka pila ka tumelo!’” Mitai yemibeli yashoshela. Lutaka lwa buloto lwakala kuhula.

¹⁴⁶ Mi mwa mulaho kwataha John Wesley mi aakeza ku zona. (Nekuna ni babañwi babañata ba bona, bo... Zwingli ni babañwi bataha *cwalo* mi ba latula kupepwa kwa bwalanjo, mi ya shwa fela.) Kono hasamulaho kwataha ba Methodist, ili sibunga, mununo wateni, lizazi la balumiwa ba linzwi. Mi ba kutaza kukeniswa; baekeza sibunga.

¹⁴⁷ Mi mwa mulaho kwataha Mapentekota mwa sikapi, hahulu, kuli bapume Baketwa. Ba bonahala mane inge kona buloto tenyene, ku kwaluha mwateni, hakuna buloto nihanyinyani. Kono Bupilo se bu zwile mwa sikapi.

¹⁴⁸ Cwale, kikuli mulemuhile, mwa lilimo zetalu kaufela kasamulaho wa-wa mukopano omutuna, kiñi ze ezahalanga? Ki kopano. Ye seli myaha ye mashumi amabeli mi hakuna kopano. Ngunyana yende yene shwile, kusike kwaba *cwalo*. Haiba Ni ya mwa lusika loo, hakube kuli sicaba se si lumela Liñusa le batokwe kuyemela kopano! Mulimu uka... Muka shwela mwa mukokolombwa wa mina! Muhipule *cwalo*! Yona nako ye mu punda kuli kopano mwahala mina, Hanina taba kamba uya sephala cwani, mu ikungela mutu kuba mueteleli wa mina kufita Moya o Kenile kupaka Linzwi le, kona nako ye mu shwa ona foo! Peu ya niti haikoni, kakuli hakuna ze siyalanga mwa mulaho wa peu, kona nto yeswana yeneli kwa simuluho. Ki Munyaliwa yana wezi mwa mubu kuli atise lipeu bwa buloto hape.

¹⁴⁹ Mulemuhe:

...mazazi a sebene mu ce mahobe asina mumela...

¹⁵⁰ Mi ku kaba ni Munyaliwa...

¹⁵¹ Cwale mina sicaba ba babile ni kuhuwa kwa me wa kale Methodist yani, ni zeñwi cwalo, kuli nemu kwandanga “Haiba habuleli ka malimi, haana kuipumana kwani.” Boo ki buhata! Nali ona Moya o Kenile oswana wani omuna ni kacenu, kono noli mwa mufuta wa sibunga, isin̄i mwa kukutizwa kwa limpo. Kono mazazi a sebene a kaufela, ki kuca fela buhobe bobusina mumela, ili Linzwi. Bani, kwa kale, bona bene ba ikopanya, ba shwile. Ki lutaka, ba ka kubukanyiwa fela ni kucisiwa. Kono haili Bupilo bwa zwelapili cwalo. Mi ki sikamañi se siezahala? Mi Bupilo bone buli mwa lutaka, ni mwa sibunga, ni mwa sikapi, kaufela bufelela mwa buloto. Mi ona Moya o Kenile oswana wani ono tisize Luther, watisa Wesley, watisa Mapentekota, u felela ku Munyaliwa mwa zuho.

¹⁵² “Mazazi a sebene, kuca mahobe asina mumela.” Hakuna mumela oka fumaneha mwahala Munyaliwa, hakuna—hakuna linzwi leli ekelizwe, hakuna sika. Muhupule, linzwi li liliñwi kona lene litisize lifu kaufela leliliteni mwa lifasi; mwana wamwa bucwani kaufela na pepilwe bakeñisa Eva, keleke yapili, munyaliwa wa Adama wa makalelo, akakanya Linzwi la Mulimu ni kuamuhela kopano, kamba za ngana ya butu, kamba zetomilwe ki sikolo ka Zona; kakuli ne Li nahanezwi ka nzila isili, kuli, “Kaniti, Mulimu ki Mulimu yomunde.” Mulimu ki Mulimu yomunde, kono hape Ki Mulimu ya lukile. Lu swanela kubuluka Linzwi la Hae! Sikolo, na li amuhezi.

¹⁵³ Foo kona mina bashimani babañwi ba lituto za bulapeli fo mufumaneha, hakuna kukakanya ka za pizo mwa bupilo bwa hao, kono umatela kwa sikolo sesiñwi sa Bibebe kuli bayo ku titimeza tuto yeo ku wena, mi ona foo kona fomu shwela... Mupile ni Mulimu ni Linzwi la Hae. Habana ku mi tuhela; kamba, mane hamukoni neba kufumaneha kwa kopano yabona, habana ku mi amuhela fa katala. Kona kuli hamu basiye babe ni zona, mutuhele bafu ba pumbeke bafu babona, luna lu latelele Kreste yena Linzwi.

¹⁵⁴ Cwale, mazazi a sebene hakuna kuba mumela oka zwakana ku Munyaliwa, ili Keleke, mazazi a sebene.

¹⁵⁵ Cwale mulemuhe. Cwale haibile hakuna . . .

Mi kutokwe mahobe a mumela mwa naha ya mina kaufela ka mazazi a sebene; . . . (Sitabelo se fa ki mufuta: Munyaliwa uzwa kwa Sitabelo ili yena Kreste.) . . . mane kusike kwaba sa mubili kaufela se si ka fiwa kuba sitabelo ka lizazi lapili manzibwana, . . .

¹⁵⁶ Mi muhupule—muhupule mo lu fitezi fela mwa Masika a Likeleke? Mulumiwa kwa keleke kamita utahanga lusika lwa keleke haluya kwa kushwa, kamita. Kushwa kwa Pentekota kutisa kuungelwa kwa Munyaliwa. Mwabona? Kushwa lwa

Luther kwa tisa Wesley. Mwabona? Kushwa kwa Wesley kwa tisa Pentekota. Kushwa kwa Pentekota kutisa Liñusa cwale. Fa, ki ze ona fa, libonahalizwe ka mitala hala Mañolo kaufela. Hakuna liñolo mwa Bibebe kono kaufela ona atamahana hande ni leliñwi. Mwabona? Mifuta ye kaufela. Na hani si ka ituta, kono Nina ni Moya o Kenile o ni bonisa ka nzila isili, o luta kuzwa—kuzwa kuzwe bupilwe; mi leo ki Linzwi. Lina ni kuba Linzwi, lika li sepisizwe.

*...nama, ...sitabelo ka lizazi lapili... kuisa, mane ni
busihu kaufela kuisa kakusasana.*

¹⁵⁷ Cwale, neba Luther, yana nani Niti mi aluta keleke “ya lukile uka pila ka tumelo.” Ha mu lukeli kutiyela ku zeo kuba tuto yetezi, mwa lusika lwa Methodist. Muka eza sikamañi? Mu li cise ka mulilo. Neli mufuta wa sikamañi? Kopano yezwa mwa Linzwi lani ki sikapi, ki lutaka, ki mitose, lina ni kucisiwa ka mulilo. Sona siemba sa kopano ko lizwile kwani hasi lukeli kusiyala, sina ni kushwa. Musike mwa si tuhela cwalo kuisa kutaha kwa—kwa lusika loluñwi, mu si cise! U ambola cwale ku Munyaliwa fa, ki Munyaliwa fela, yana taha mwahala masika kaufela.

¹⁵⁸ Mulemuhe bunde bwateni, “Mali a ngunyana.” Ba ki Mubili wa Kreste, sona Sitabelo: mali a ngunyana fa sikwalo. Cwale, muhupule, ngunyana ne i bulailwe yeneli mufuta wa Kreste.

¹⁵⁹ Kamba nelukanga nako yeñata luli, kono Hanina yona... . . . ki mizuzu yelikani fela yakuba moo. Mwendi ni tuhele fela ni kukalisa hape busihu kacenu, mwabona, kakuli lusweli kuliyeha hahulu. Ki . . . Nina ni makepe alikana mashumi amabeli fa, aze ñozwi, fa tuto yee.

¹⁶⁰ Mulemuhe cwale, ku se, ngu—ngu ngunyana neli Kreste mwa mufuta wateni. Kamba Ni bulezhi taba yeo hande? Mufuta; Kreste neli yena Ngunyana. Ne i lukela kuba ya poho, ye pepilwe ki ngu ya sitole; kamba sitole, kaufela mo mubata kuibizeza. I lukela kuba ya sitole pili. Mi ina ni kulikiwa pili kubona haiba kuna ni nyazo kuyona.

¹⁶¹ Cwale, Kreste na likilwe; ngunyana pili yezwile ku maa yona wa sitole, Maria wa mwalanjo. Mi a likiwa ka sikamañi? Satani kulwanisa Linzwi. Ha yo nata Eva, musali awa; anata Mushe, ni yena awa; kono hato fufela ku Kreste, ni kulika ku Mu balela Mañolo ka mafosisa, uh-huh, afumana kuli yale kwateni ne si Mushe. Mwabona? Na tatubilwe. Kisikamañi sene... . . . afetuha kapili, mi ali, “Haiba Wena u Mwana Mulimu luli. Cwale ba ni bulelala kuli Wena ueza limakazo, mi ba ni bulelala kuli ki Mesia yana ni kueza zeo. Cwale, haiba ku cwalo, hanili U lapile, Ha u si ka ca sika, fetula buhobe boo kuba . . . macwe aa kuba buhobe, mi uce.”

¹⁶² Ki hali, “Ku ñozwi kuli, ‘Mutu haana kupila ka buhobe feela.’” Tuto yamina ya tumelo, ni zeñwi cwalo. Kono ka sikamañi? Linzwi Kaufela! Siemba sa Linzwi? “Linzwi kaufela

le li zwelela mwa mulomo wa Mulimu.” Zeo kona zapila ka zona mutu. Mwabona? Nguyana ne ilikilwe, mubone haiba kuna fokuñwi fa Na wile.

¹⁶³ Bafarisi, “O Rabbi, Wena Mupolofita wa mwanana, lu nahana kuli U yomunde. U yomunde.”

¹⁶⁴ “Mu Ni bizeza ñi yomunde? Kuna fela Alimuñwi yali yomunde, mi yoo ki Mulimu. Kana mwa lumela cwalo?”

¹⁶⁵ “Oh, eeni. Mulimu.”

¹⁶⁶ “Kihande, Kina Yena, kanti.” Uh-huh. “U bulezzi kuli kuna ni Alimuñwi fela yomunde. Mu Ni bizeza ñi ‘yomunde,’ kanti ha mu lumeli kuli Kina Mulimu?” Uh-huh. “Kacwalo mu Ni bizeza ñi yomunde? Ki sikamañi se mi ezisa zeo? Ki sikamañi se si mi susumeza kubulela cwalo, kanti muziba kuli kuna ni fela alimuñwi yomunde, mi yoo ki Mulimu?”

¹⁶⁷ “Lu ziba kuli Wena ha u kuteki butuna bwa mutu kamba linzwi la situlo sa hae. Lwa ziba cwalo.” Kulika . . . Na ziba muipi yani. Mwabona?

¹⁶⁸ Na likilwe kubona fa Na yemi, mwabona, kulikiwa mwa mukwa kaufela, kulikiwa sina mo lu likelwa. Kono nekusina kuñala, ku Yena, ni hanyinyani. Batili, sha! Yani neli Mwana Mulimu.

¹⁶⁹ Mi ngunyana ne i likiwa, ni kubulukiwa ka mazazi a foutini. Zani neli Lisabata zepeli, kamba masika amabeli. Ilinwi neli ya Majuda, ili zene ba bulayanga kuba mufuta wa ngunyana; ilinwi ya Bamacaba, babana ni Ngunyana ya niti, mi kaufela bona ne ba petahalizwe ka kulumela ku Ngunyana yene taha yee. Kono A likiwa linako ze foutini . . . kamba kutatubiwa mazazi a foutini, Nali yena Linzwi.

¹⁷⁰ Mi mwakona kutatuba Testamente ya Kale, muli “I nyaza ye Nca.” Mwa fosa! Testamente ya Kale ipaka fela za ye Nca.

¹⁷¹ Muuna cwana nabata ku ni swaisa ha ki kale hahulu, ali, “Una ni butata mañi?” Ali, “Kihande, mane u luta mwa Testamente ya Kale.” Mukutazi wa Mukreste, munahane cwalo. Ali, “Testamente ya Kale i shwile mi iicongile.” Oh, batili! Oh, batili! Ki muhulisi fela, i bonisa se si ñozwi fa limota. Mwabona? Yeo ki niti.

¹⁷² Cwale, mwabona, mazazi a foutini na likilwe, yani neli Kreste. Cwale mulemuhe, mi A bulaiwa ka nako ya manzibwana, na lukela kubulaiwa, ngu neiba cwalo. Kreste na shwile nako ya manzibwana, mwa musihali. Mi he mulemuhe, mi hape nali . . .

¹⁷³ Mali na lukela kulambiwa fa likwalo, mwabona, ili mane mali kona bupilo bwa folofolo. “Mu ka ca nama ya yona; kono mali ayona ili bona bupilo, mu a selefafasi.” Mwabona? Neli kuba ka . . . Mali na lukela kubeiwa fa likwlao za minyako ya ndu mone ku amuhela sitabelo. Kanya! Bupilo ki sikamañi? Ki Libizo. Kuli . . . U beile libizo la mutu . . . Muye kwa sikwalo,

mi mutualime, mubone mabizo ali fa sikwalo musika liza kale mulangu. Mwabona? Mali na lambilwe fa sikwalo sa munyako kuba mufuta wa sitabelo seneli sili mwahali.

¹⁷⁴ Cwale luka fumana sibaka sa kulapelela, kukena mwahali mwani, kutaha ka ona Mali ani. Mulemuhe, mali fa sikwalo na bulela libizo la sene si ka ezahala . . . neli mwahali, nebali mwani. sibaka sa luna sa kulapelela, Ngunyana, ki Linzwi. Lwa ziba.

¹⁷⁵ Cwale, timana ya 4, mulemuhe, “Musike mwa siya buhobe, musike mwa siya sesiñwi sa sitabelo,” kamba, kunga zeñwi za lusika kuisa lusika loluñwi.

¹⁷⁶ Kulika kukuta mwa mulaho ni kubulela kuli, “Kihande, cwale, luna luma Lutheran, lubata kuta kwanu,” mu lukela kushwa kwa lusika lwa ma Lutheran kuli bapepwe mwa lusika lwa Wesley. Muna ni kushwa kwa lusika lwa Wesley kuli mu pepwe mwa lusika lwa Pentekota. Mi muna ni kushwa kwa lusika lwa Pentekota, kusike kwa siyala sesiñwi sa lona, mu li cise ka mulilo, kakuli lika cisiwa sina lutaka kuli buloto butahe hande kuzwa kuzona. Lutaka, ki kopano, lina ni ku cisiwa. Kona kuli musike mwatisa kopano yahenu mwa Liñusa lelinca. Le cwale ki Linzwi. Zeo kona zene ongaongile kopano mwa lutaka; ya Li lwala, yeo ki niti; kono Ya taha *faa*, mi lutaka lwa shwa. Neli sishimbelo, kopano, kono haili Linzwi lizwelapili kuya cwalo. Eehe, Linzwi lizwelapili kuya cwalo.

¹⁷⁷ Cwale hamunge timana ya 5 ni ya 6. Mulemuhe, “Isiñi . . .” Cwale halungeni timana ya 5 ni 6.

*Usike wa eza paseka ku ufi ni ufi wa minzi ya hao yaka
kufa MULENA Mulimu wa hao:*

¹⁷⁸ Cwale muhupule, “Isiñi ku ifi kaufela ya minyako.” Mulena wa mi lumeleza kuba ni likopano zee, mwabona, “minyako yee.”

*Konji mwa sibaka sa MULENA . . . Mulimu sa ka keta
kubeya libizo la hae ku sona, . . .*

¹⁷⁹ Woo kona Munyako, sibaka fela sinosi. “Isiñi ku ifi kaufela ya minyako yee.” Kono Mulimu una ni Munyako.

¹⁸⁰ Mu li, “Kakusasa ni kakusasa Ni kenanga mwa minyako ya Methodist.” Yeo ki keleke. “Kakusasa ni kakusasa Ni kenanga mwa munyako wa Katolika.” Uh-huh. Kihande, Mulena wa lumeleza sicaba sa Hae kukananga minyako yani. Mulimu una ni sicaba mwa keleke ya Katolika, keleke ya Methodist, keleke ya Presbyterian, kaufela zona, Mapentekota. Luli, kono musike . . . ha mu lapeli Mulena mwa munyako wani. Mwabona? Kono Mulena una ni munyako omuñwi. Kanya! Una ni munyako.

*Konji mwa sibaka sa MULENA Mulimu wa hao . . . sa ka
keta kubeya libizo la hae ku sona, ki mona . . . mo ka
ezeza sitabelo manzibwana, . . .*

¹⁸¹ Ki lili Rebekah fana katanyelize Isaka? Ki lili Eliezer hana mu bizeлизe kuba munyaliwa? Neli nako ya manzibwana!

Ku kaba Liseli ka nako ya manzibwana,
 Nzila ye ya kwa Kanya kaniti muka ifumana;
 Mwa nzila ya mezi yani kuna ni Liseli kacenu,
 Mupumbekwe ka Libizo lelinde la Jesu;
 Banana ni babahulu, mubakele libi za mina
 kaufela,
 Moya o Kenile uka kena mwateni luli;
 Maseli a manzibwana atile,
 Ki niti kuli Mulimu ni Kreste ki alimuñwi.

¹⁸² Ao neli makalelo a Zona, cwale ufelezi kukena mwa Liseli la Munyaliwa. Mwabona ze Ni talusa?

¹⁸³ Kuhande Ni kwalele ona fa, lukalise hape busihu kacenu, kakuli Ha ni taeli kuli musiye nto ye, mwa bona. Batili, batili, ki—ki nako ya mulalelo. Kihande, kihande, Nina ni litaba zeñata zeñozwi faa. Oh, mawi! Kucwani he ka busihu boo, zeo zakona kuba hande? [Kopano ili, “Batili. Cwale.”—Mu.] Huh? Kihande, haiba mina . . . Mubata fela kulika fapata nyana? [“Eeni. Amen.”] Ku likile, ha luyení hanyinyani fapata kanti, luka akufa kapili luli. Zeo licwani?

¹⁸⁴ Cwale, mukene mwa sikamañi? “Musike mwakena mwa munyako ufi kaufela o Mulena Mulimu a mifa, konji ka munyako o Mulena aka keta kubeya Libizo la Hae ku ona.” Isiñi kuya mwandu ya—ya munyako ili sikwalo. Ki niti yeo kana? Mulimu uka beya Libizo la Hae fa sikwalo seo, mi hamuna kuya . . . Wani kona munyako o kena mwa sibaka sa kulapelela, yona tempele. Ha u keni mwani ni sitabelo sa hao ka minyako isili fela ya zona, kono ki mwa munyako wo Mulena Mulimu aketa kubeya Libizo la Hae teñi. Mwabona?

¹⁸⁵ Cwale, kikuli Uezize cwalo nji? Sikai Sikwalo seo? Ku Muhalalehi Joani 10, Jesu naize, “Kina Sikwalo, Munyako. Kina Munyako kwa Ndu ya Mulimu. Kina Munyako wa mulaka wa lingu.” Isiñi mulaka wa lipuli, mulaka wa lingu. Mwabona? “Kina Munyako kwa mulaka wa lingu. Mutu wakona kukena ka Munyako woo, uba ya iketile.”

¹⁸⁶ Mi cwale lukona kunga nako yeñata luli fa taba yeo. Kono, kwa kubuluka nako, Yena ki yena Munyako kwa mulaka wa lingu. Cwale, lubata kulemuha faa. Miluti ni mifuta ya bonahala hande kulo faa, kono Ni . . . haiba Ninga likepe leo Nenika . . . li ka mi liyehisa fa nako nyana.

¹⁸⁷ Ku lukile, mulemuhe, se sitaha mwa ponahazo yende, Jesu Kreste. Kakuli Testamente ya Kale kaufela ki mifuta fela wa Hae, yona mikiti ye kaufela, milapelo kaufela, ni lika zeñwi kaufela. Mi Ni ñozi zateni fa, mwataswa mubamba wa Mañolo wo kuli, “Aku litatulule.” Faa kona fo li ka nga nako yetelele. Kutatulula mikiti ye kaufela . . . Neba yona nubu ya sico neli mifuta wa Kreste. Halungeni fela iliñwi yani.

¹⁸⁸ Nako yeñwi nekuna ni—ni sikolo se si bizwa sikolo sa bakutazi, kamba sikolo sa bapolofita. Ba ba luta, ki bapolofita baba itutile. Mi nekuna ni wa niti, mupolofita ya bizizwe ki Mulimu nako yeñwi ayoba potela. Kihande, neba bata kubonisa mupolofita yani likute, kacwalo alimuñwi wa bona azwela fande kuyo ñwata zana eupula kuli ki manawa; kono neli lungwatanga lolubaba, minaka kā ba fepa ka yona.

¹⁸⁹ Oh! Lubile ni mikopano yemikai ya bakutazi sikusha! Mwabona? Kiniti. Basweli kutisa nto isili. Mwabona? Bana ni ba ni sikusha sa ba Methodist, sikusha sa ba Baptist, sikusha sa Mapentekota. Kono, mwa bona, kona sibaka sa kuhula kwa bubeli, mufuta okona ku kokoliwa kwa kota. Mwabona, isiñi mwa Kota tenyene. Yebeya ma lemuhe, muselo wa magilepu, ni zeñwi cwalo; isiñi maolonji, kono baipulela kuba litolwana.

¹⁹⁰ Mulemuhe hape. Cwale, ku se—ku se, fani Elia ataha ni kubatalima, ni kubona kuli neli lungwatanga lone luka bulaya kaufela bona, se bali, “Mawe, lifu li mwa piza!”

¹⁹¹ Ki hali, “A mu tise bupi mwa lizoho.” Anga kwateni kufaha mwa piza, ki hali, “Cwale kihande, ha mu ce ze mubata.” Za cinca lifu kuba bupilo.

¹⁹² Mi nubu ya sico yene filwe yani ku . . . Kreste, Nali yena nubu ya Sico, mi nubu ya sico ilukela kukaiwa ka muutwa omuñwi ono panga siemba sa yona kaufela kuswana, kubonisa kuli Ki yaswana maabani, kacenu, ni kuyakuile. Ki yaswana habeiwa mwa kopano yahenu i ka pila, ka Linzwi! Kreste ki Linzwi, mifuta kaufela ya lika kaufela: tabernakele, ki—ki—ki sinkwa, lika kaufela. Sinkwa sesi komaunilwe mwa mukeke neli mubili wa Hae onatilwe, o Majuda bapalelwa kutatulula ni kacenu libaka leba ezeza cwalo. Mwabona? Ni lika zeñwi ze kaufela liswanisisa Yena.

¹⁹³ Cwale, he, Yena mwa ponahazo, lubona cwale likopano kaufela ni lituto za bulapeli lisiyezi kwa mulaho; kakuli Yena u petahalile, ki Linzwi la Mulimu lelisa cinci, ili sona sinkwa sesi sina mumela, Muhalalehi Joani 1. Yeo ki niti, Yena ki Sinkwa sesi sina mumela. Kacwalo ha mu ekeza *se kamba kuekeza sani*, ki mumela o ekelizwe Se siliteni kale kufiwa kumina.

¹⁹⁴ Amutalime kwanu. Ki sikamañi se si bulaya masika kacenu? Banga ni kuzwakanisa lika. Mi ha mu li zwakanisa, mwa li bulaya. “Oh, lika bonahala hande nikufita.” Luli! Mbonyi ya mazwake: bupi bwa mbonyi yesitilwe hande, ni lico kaufela ze ezwa fa mbonyi. Mbonyi ya mazwake: kiyende, yetuna, ya mataka amande amatelele, ni mikuñu yemituna, ibonahalanga bunde habeli kufita yeñwi. Kono ki lifu! Sayansi mane ifumani cwalo. Mwabona? Musike mwa li zwakanisa, li ka mi bulaya.

¹⁹⁵ Cwale, fa, halubone ni mi bonise. Zazi leliñwi Ne ni sweli kusaelaela mapalisa cwalo mwa patelo yaka. Mi kalibe nana ni mapalisa a kuipangela anabeilwe mwa mupika fa, kamba

neli katima nyana bukaufi ni ndu. Lu swanelia ku li selaelanga mbwesha halali ka sunda, kamba hane, kusi cwalo za shwa. Mi fande nekuna ni sicalo sa niti mwa patelo. Ha i si ka nela pula kwani ka likweli zesilezi, kuomile luli... Haiba i nela, mwa mizuzu yelishumi mukona kuitimuna maluli. Kono palisa yani neili fande fani, yende fela ni kubonahala hande kufita ya mazwake yene fumaneha ni mezi kaufela. Musike mwa iselaela mezi ao, ika shwa. Kono izusize kai mezi ao? Mi nto yeñwi, muna ni kufitanga mwateri inge muli selaela zazi ni zazi kamba amabeli, kusabisa likokwani kwateni. Ha mu sa ezi cwalo, likokwani li ka ica kufeza, yatelela hande mi ibunolo. Kono hakuna kokwani ye ka kenela yani ya niti. Batili, batili! Hasiya kuyona si ka zwa kapili kwateni. Ki ya niti kwa makalelo! Mwabona seo mazwake aezize?

¹⁹⁶ Yeo ki nto yeswana ni ma keleke. Balika kukopanya kopano ni Linzwi, kuli baeze... balika kueza Linzwi kubulela se ibulela kopano. Mi ha mueza cwalo, muna ni ku ba selaela mulyani, ni ku ba kombelela, ni—ni kubafa mipuzo ya gauda kuli batahe kwa sikolo sa la Sunda, ni lika zeñwi kaufela. Yeo ki niti. Kanti, wa niti yena, Mukreste ya pepilwe sinca, ya pepilwe ka Linzwi la Mulimu, u pazauhile. Yoo ki wena. likokwani ni lika za lifasi ha limukatazi. Yena ki mbande, ufufa kufitelela lika. Mwabona, ufufela mwa halimu luli. Mwabona? Ki niti. Hakuna...

¹⁹⁷ Mulemuhe. Cwale, lu swanelia ku utwisisa zeo faa, kopano, lituto za litumelo, ni sika kaufela se si ekezeha kwa mumela wa buhobe hasikoni kukopanyiwa kwa buhohe. Mi Bibele ibonisa fa mwa litaba za moyo, za kukena mwa milapelo, kuli kutokwe mumela oka fumaneha mwahala mina, mi Mulimu uka u amuhela.

¹⁹⁸ Mu li, “Niwa Methodist.” Ona foo kona fo mushwela! “Niwa Pentekota.” Mwa shwa!

¹⁹⁹ Ni wa Kreste. Yeo ki niti. U lukela kuyema fa nto yeñwi. Yeo ki niti. U—u yemi kulo fokuñwi.

²⁰⁰ Churchill nako yeñwi naize, ananula minwana yemibeli ni kubulela kuli, “Luna ni tulo.” Mi England ya yema ka sona, ba mu lumela Churchill.

²⁰¹ Mi mulumele kamba nee, kakusasana cwana, mu yemi fa nto yeñwi. Kuna ni fela nto iliñwi yemukona kupila ka ni kuyema ka yona, mi yeo ki Kreste, yena Linzwi. Niti!

²⁰² Mulemuhe, hakuna sika mwa Bibele sesi swanisisa likopano konji Babilona. Mi Babilona neikaliszwe ki Nimrod, mi Nimrod neli mukwenuheli. Mi nana ni sikuwata sa basali kafani, bene ba lukela kuba bo mukwae ba bae, bao neli bapolofita ba basali. Ba nahana mane kul Balami yani nazwelela kwa sibaka sani, nebana ni mibisi ni zeñwi kaufela. Ba lapela, mwa ziba (buñata bwa mina baituto baba balile litaba za Hislop *Two Babylons*, ni zeñwi cwalo, ni litaba za kale za keleke), ni mone ba—ba ezelize.

Mi nebana ni basali bene baezize *cwalo*, mi basali... mulimu wa musali, ni zeñwi kaufela, mi neli bulapeli bwa ku hapeleza. Mañi ni mañi, munzi ni munzi mwa Babilona wa hapelelwa kutaha kwa Babilona kuto lapeala mwatasa Nimrod kwa tawala. Mwabona? Yeo ki niti. Ba hapelezwa kueza cwalo, ku kanana ka zona. Fani kona fone kutahezi kusautwana.

²⁰³ Mi cwalo kona mo iinezi keleke kacenu, “Haiba hautaho kwa sikolo sa la Sunda, haiba hauezi *se*, mi bana ni ku kubiza kuli ueze *se* ni ikueza *se* ni kueza *sani*, hauyo mwa siswaniso.”

²⁰⁴ Kwani kwa Tucson, basweli bateezea kakusasana cwana, Ne ni komokile nako yeñwi... Nibile ni hapelezanga batu kamita, “Amuye kwa keleke, hakuna taba kamba muyanga kai.” Mi Ni boni sicaba ha si kutela mwa mulaho, ni kuya neku *le*. Mi Na nahana kuli, “Ki butata mañi?”

²⁰⁵ Na ya ku babañwi ba bona, “Zazi lapili nemuliteni, ba ka kutela bali, ‘Kena kwa keleke yaluna.’ Hausa ezi cwla, hausika a muhelwa.” Mwabona? Mwabona? Ki taba ya kapelezo, ya hapelezwa ku mina, mwabona, mi yeo ki Babilona. Kono ku Kreste, u taha ka kuketiwa; isiñi ka kapelezo, pilu ya hao ya kukenya mwateni.

²⁰⁶ Mulimu nasika beya Libizo la Hae mwa Babilona kanti. Ka tokomelo cwale. Hakoni kubeya Libizo la Hae mwa Babilona, mwa likeleke. Oh, bona, *bona* ba beya Libizo la Hae mwateni, kono ha ki Yena. Batili.

²⁰⁷ Mu li, “Kihande, cwale, Muzwale Branham!” Litela, litela, ina ukuzize fela fa muzuzu. Mu ni kupile kuina fa nako nyana. Kikuli ha mu boni? Cwale mulemuhe, ki *bona* baba beile Libizo la Hae mwateni, kono haki Yena.

²⁰⁸ Cwale, Na ize, “Sibaka se Ni ka mi katanyeza kusona ni kuamuhela sibatelo sa mina ki koo Ni ketile kubeya Libizo la Ka. Mutahé ka munyako woo, sona sikwalo se Ni ketile kubeya Libizo la Ka kusona. Fani kona fo mu kenela.”

²⁰⁹ Kihande, ba beya, “Ye kona keleke ya Kreste.” Haiba kuna ni se si fosahalile mwa pulelo yeo, kusiyeki linzwi li liliñwi: “anti.” Uh-huh, kaufela za Na lutive, ba hana kulumelelana ni Zona. Bafarisi ba kacenu.

²¹⁰ Kono lu swanelia kufumana Fa beile Libizo la Hae, kakuli Teñi ki ko kuinzi munyako o lukisizwe. Amen! Kanya! Mutualime! U beile kai Libizo la Hae? Ku Mwana Hae.

²¹¹ “Oh,” mu li, “cwale litela fa muzuzu, Muzwale Branham. Yani neli Mwana, isiñi Ndate.”

²¹² Mwana nako kaufela unganga libizo la ndatahe mwa taba kaufela. Ni tile mwa lifasi mo ka libizo la Branham kakuli bondate libizo labona neli Branham.

²¹³ Jesu naize, “Ni tile ka Libizo la Ndate, kono ha mu Ni amuheli.” Mubata Liñolo fa taba ye? Muhalalehi Joani 5:43.

Mwabona? “Na—Na yatile ka Libizo la Ndate, kono ha mu Ni amuheli.” Kona kuli Ndate na beile Libizo la Hae Tota, ili lona la “Jesu,” ku Mwana. Mi ki Yena Nzila, Ki yena Munyako, ki Yena Ndu, kona koo Mulimu uketile kubeya Libizo la Hae. Mulimu ha si ka beya Libizo la Hae ku na, Ha si ka Libeya mwa keleke, Ha si la Libeya mwa Methodist, Baptist, Katolika, kono U Libeile ku Kreste yena Emanuele ya Tozizwe.

²¹⁴ Mi Libizo li mwa Linzwi kakuli Yena *ki* Linzwi. Amen! Kiyena Mañi cwale? Linzwi le li tolokilwe kona ponahazo ya Libizo la Mulimu. Ki kabakaleo. “Nama ni mali ha li si ka ku patululela zeo, kono Ki Ndate ya kwa Lihalimu ya ku patululezi seo, Yo Nili yena. Mi fa licwe le Ni ka yaha sibaka sa Ka sa kulapelela, mi minyako ya lihele haina ku I koma.” Amen! O Keleke yepila ya Mulimu, muyeme ka mutomo otiile ku Jesu Kreste anosi. Mwakona kuopela pina, kona haiba hauyo ku Kreste yena Linzwi, u mayemo ashakesha, a si ka tiya. “Kono fa Licwe le,” Kreste, “Linzwi la Ka.”

²¹⁵ Na yahile liñusa lana Lutheran mi na liongaonga. Nenze lihula, mahutu a sipula. Mi ki Ha hulela kutaha mwa siemba sa lihulu, ba Methodist, ni zeñwi cwalo. Kwani kona kwa Na yahile Keleke ya Hae, fahalimwa Linzwi la Hae! Cwale, Ha ki lihulu kaufela kamba silupi kaufela, Yena ki mibili; mi cwale seli kalulo ya ku kwahela. Kana mu lemuhile mwa mapiramidi apahami? Mane, Ha ni kutazi ka tuto ya piramidi, cwale.

²¹⁶ Kono Bibebe yapili yene ñozwi, neiñozwi mwa mbyumbyulu, neli zo... [Hakuna manzwi fa tepu—Mu.] Kana mu lemuhile? I kala ka mwalanje, sisupo sa makalelo mwa zodiac. Sisupo sa mafelelezo ki Leo yona tau. Natile sapili ka mwalanje, Utaha nako yetatama sina Tau ua lusika lwa Juda. Kusikaba kale zeo, ki lusika lwa kansa, litapi ze silani, masika amañwi kaufela. Kambe luna ni nako yakuya mwaten; yeo lunani mane, kwa tabernakele.

²¹⁷ Mi ni pira-... piramidi kakua mitomo yani, ku yo punya ni mwa kashandi ka mulena. Mi musika fita kale fa limota la busebene, kuna ni libala la kuitoloka ili wena kwani, koo mulumiwa utaha kwande ku kutisa ku mulena. (Mulumiwa, Joani Mukolobezi, yana zibahalize, ku Mulena.) Kono haili licwe la kwa Toho ne li hanilwe. Mi ha ba zibi, Licwe ki Sikono, kamba seo kaufela sili sona, ha ba zibi fo liinezi, kakuli ki licwe leli hanilwe. Kono leo kona licwe leli kwahela lika kaufela, zeo kona zelieza kuba piramidi yekwanile mwa masika a likeleke zesupa. Muekeze sishemo, muekeze *se*, muekeze *se*, kuna ni kuekeza kokusebene, ya mafelelezo ki Kreste. Muekeze *se* kwa lilato la mina, muekeze sishemo kwa sishemo sa mina, muekeze sesiñwi hape, ni sesiñwi hape, kufitela sitaha ku Kreste yena licwe lakwa Toho, “Mi Ki na Sikwalo.”

²¹⁸ Cwale, mwana kamita utahanga ka libizo la ndatahe. Mwana ufi kaufela utahanga ka libizo la ndatahe. Mi Jesu naize, “Na

yatile ka Libizo La Ndate.” Cwale ki lifi Libizo la Ndate? Ki lifi Libizo la Mwana? Mi ki Hali, “Mwa nako nyana lifasi halina ku Ni bona, kono mina muka Ni bona.” Eehe, Utile mwa mufuta wa Moya o Kenile, Mi Libizo leo ki Jesu. Leo kona libaka hane ba lapela kuli, “O Jesu!” Mwabona? Mwabona? Ndate, Mwana, ni Moya o Kenile: Ki yena Mulena Jesu Kreste. Ku felile. “Na yatile ka Libizo La Ndate, kono ha mu Ni amuheli.”

²¹⁹ Cwale, muhupule, Akeza hape fa ka ku lulemuha, “usili haka yaha,” ki kopano yeo, ki tuto ya tumelo. “Uka taha mwa libizo la hae mi mu ka mu amuhela. Ha mu Ni amuheli, Linzwi le li pakilwe ni kubonahala fapila mina.”

²²⁰ Sina mwa Na bezi kwani, kona mwa Sa inezi ni kacenu. Musike mwa latehisa zeo, sicaba mwahala na ha ye! “Usili ha ka taha, ki keleke, mi mu ka ilumela, kakuli mwakona kueza fela ka nzila isili. Hanina ku paka zeo.” Yena ali kuba (ka nako ifi kaufela, kwali kuba) apake sika kaufela (mwa keleke ifi kaufela) kwanda Liñusa le li filwe: Luther, ki kuluka; Wesley, kukeniswa; Mapentekota, kukutisezwa kwa limpo. Kasamulaho... Mi habamo eza kopano ku yona, teñi ya shwa. Mubale Mañolo.

²²¹ Kono Yena ali, “Ni ka keta sibaka mwa kubeya Libizo la Ka.” Mi Libizo neli Jesu. Mi Jesu ki Linzwi, Muhalalehi Joani 1. Kana ku cwalo? Sani kona sibaka sa kulapelela, ku Kreste yena Linzwi. “Na Nitile ka Libizo la Ndate.”

²²² Mupolofita naize, “Libizo la Hae uka bizwa Emanuele.” Yeo ki Mateu 1:23, haiba mubata ku i ñola. Jesu, Jehova, yena Mupulusi.

²²³ Cwale, timana ya 5 ibonisa kuli ki Yena Sikwalo. Kono cwale, bupaki bobuñwi bobu bonahalile, Sikwalo se, ni Libizo, mi sibaka sikona kubonahala kuba fela ni sibaka silisiñwi seo Mulimu ko akopanelia ni mutu kwa kulapela, mi foo kona hali ku Kreste.

²²⁴ Cwale, cwale puzo ki kuli, “Lu kena cwani ku Yena?” Cwale, se sakona kunyapa hanyinyani; kono, mwa ziba, kuswana ni kunwa mulyani, haiba ha u ku kulisi, hauna ku ku folisa. Mwabona?

²²⁵ Cwale, ma Lutheran neba bata kutaha ka nzila iliñwi, ka kuikopanya kuba keleke ya Lutheran. Ba Methodist neba bata kukena ka kuhuwa. Mapentekota neba bata kukena ka kubulela ka malimi. Zeo niteñi ha ki zona! Mwabona? Batili, zeo ki limpo, ni zeñwi cwalo. Kono Makorinte Bapili 12 ili, “Ka Moya ulimuñwi.” Moya wa Mulimu, ili yena mufani wa Bupilo kwa Linzwi (yona Peu), kwa kupaka Peu yani ya mwaha wateni. Mwabona?

²²⁶ Ki lo lusika lwaba Methodist peu iteni foo, ne si lwezi Moya o Kenile kuli peu yani itahe kwa bupilo ni kukenisa... kukenisa keleke ka kukeniswa; Luther na si ka kutaza cwalo, kakuli

na sa li zibi. Mapentekota neba bata kubulela ka malimi kwa kukutisezwa kwa limpo. Mañi ni mañi na bulela, “Kona Cwalo! Kona Cwalo!” Mwabona?

²²⁷ “Ka Moya ulimuñwi luna kaufela lu kolobelizwe mwa Mubili ulimuñwi,” mi Mubili wo ki lubasi, lubasi lwa Mulimu. Mi yeo ki Ndu ya Mulimu, mi Ndu ya Mulimu kona Libizo la Jesu Kreste. “Libizo la Mulena ki Tawala yetiile, yalukile umatela Teñi mi uba ni buiketo.”

²²⁸ Cwale, uka yo kena cwani ka lilumbatina? Cheke ya hao ika yo amuhelwa cwani ka kubulela kuli, “Ilifezwi mu—mu Mukutazi, Dokota, Mubuleli”? Mwabona? Mwabona? Wakona kuba reverendi, dokota mubuleli. Kono *libizo* la Mulena ki “Jesu Kreste.” Mwabona?

²²⁹ “Ni ketile kubeya Libizo la Ka fa sikwalo sa ndu ya milapelo ya Ka, kakuli lubasi lwa Ka luka kubukanelia teñi mwataswa Mali; sina mone kubezi mwa Egepita, kaufela sene sili kwande sa shwa. Mi mwahali mwani hakuna buhobe bobuna ni mumela! Hakuna kuzwakana kwa kopano ku Yona nihanyinyani, ndu ya Ka! Bana baka, baba pepilwe ka misinga yaka!” Amen! Kanya ku Mulimu! “Misinga yaka iteni ku bona! Mawi... Ni beya Manzwi a Ka ku bona. Ni ka añola fa matapa a lipilu zabona. Lwani kona lubasi lwa Ka, lubasi lwa Mubili wa Jesu Kreste; lona lubasi sakata. Mi munyako wo muka kena ka ona, isiñi Methodist, Baptist, kamba Pentekota, kono ki mwa munyako mo Ni beile Libizo la Ka.” Ha ki Methodist. Libizo la Mulimu haki Methodist. Libizo la Mulimu haki Pentekota. Libizo la Mulimu haki Baptist. Libizo la Mulimu ha ki Katolika. Muinele kwande a minyako kanti. Mwabona? Mwabona? Mwabona?

²³⁰ “Kono mwa sibaka mo Ni ketile kubeya Libizo la Ka.” Cwale, hakuna sibaka sisili mwa Bibele se si filwe koo Mulimu akile abeya Libizo la Hae, konji fela ku Jesu Kreste, kakuli Yena ki Mwana a Mulimu yanga Libizo la Mulimu, mi ili Libizo la butu la Mulimu. “Mi hakuna libizo leliñwi lelifilwe mwataswa Lihalimu le lukona kupiliswa ka lona.” Haninataba, Methodist, Baptist, Presbyterian, tutekisema, kamba kaufela semubata kueza; konji fela ka Libizo la Jesu Kreste koo liñwele kaufela lika kubama mi lulimi kaufela luka bulela kuli, Yena abe Mulena. Cwalo kona mo mu kenela mwahali.

²³¹ Mi haiba no kolobelizwe fela ka mezi kipeto—kipeto ulatula Linzwi hape, kona kuli u mwana wa mwa bucwanii; kupepwaa kwa hao nekusi hande. U ipapata kuli u Mu lumezi, kanti wa Mu latula.

²³² Nikona kulatula cwani lubasi lwahesu? Kanti... Nikona cwani kulatula Charles Branhamma kuba bo ndate? Tatubo ya mali fa munyako ibonisa ona cwalo. Uh-huh.

²³³ Likezo zaka, ni bupaki bwa Linzwi la Mulimu mwa bupilo bwaka bwa bonisa haiba Ni mwana Mulimu kamba nee. Cwale,

ki seo sibaka sa Mulimu feela sinosi. Mwasibona nji? Sibaka fela sinosi seo Mulimu a amuhela sitabelo sa hao (Hanina taba kamba uya sephala cwani) ki ku Kreste.

²³⁴ Mi muhupule... Mu li, "Kihande, Ni lumela kuli Ni keni mwateni nina." Muhupule, ki Bibele yebulezi... Mu li, "Kihande, Bibele iize, 'Yo kaufela ya lumela kuli Jesu Kreste ki Mwana Mulimu, u pilisizwe, uka piliswa."

²³⁵ I bulela cwalo, kono muhupule kuli *hape* kuñozwi, *hape* kuñozwi, "Hakuna mutu yakona kubiza Jesu kuli ki Kreste, haisi ka Moya o Kenile." Mwabona? Wakona kubulela kuli "Ki yena," kono Yena haayo cwalo konji Moya o Kenile Kasibili ofa Bupilo kwa Linzwi lipaka cwalo ka kubonahazwa kuli umwana wa Mulimu. Ao kona Mañolo.

²³⁶ "Sibaka se Ni ka keta kubeya Libizo la Ka kusona. Hamuna kulapelela fa munyako usili, kono mwa munyako o Ni ka keta kubeya Libizo la Ka kusona; mi Ni ka ku amuhela, u mwa lubasi lwa Ka."

²³⁷ Cwale, lubasi lwa Mulimu lu utwela hande kwa milao ya Ndate wa lubasi. "Mi Yena ki yena Nabi wa Kozo, ili Mulimu Yamata kaufela, ki Ndate wa kamita; mi puso ni mubuso wa Hae halina kufela, mubuso ukaba fa maheta a Hae." Mi Yena kakuba Mubusisi, Mulena, Emanuele, Wapili, Wamafelelezo, Mulena wa Kozo, yena Mulimu Yamata kaufela, Ndate wa kamita, mañi ni mañi wa bana ba Hae wa utwela Linzwi kaufela ka swanelo kakuli ki siemba sa Hae.

²³⁸ Lu pila mwa lapa laluna sina mo bapilela baha Branham. Mu pila mwa lapa la mina, baha Jones, sina baha Jones mo bapilela.

²³⁹ Mi mwa Ndu ya Mulimu lupila ka Linzwi la Mulimu ni lifi kaufela la Ona le lizwelela mwa mulomo wa Mulimu; mi usili kaufela, wa buhata, haluna ku mu utwa. Mwabona? "Muka ca mahobe asina mumela, lusika lwa keleke ifi kaufela, kuya ka mo Ni mi fela Zona." Kono usike walika kukuta ni kulikenya ku Se, kakuli litile mwa lutaka. "Mukanga masapo ni lika zeñwi zesiyezi kwa sitabelo ni ku li cisa!" Kulateha, lusika lwa keleke lwa shwa, lwa iconga; lu mwa lusika lusili cwale. Amen!

²⁴⁰ "Sibaka se Ni ketile kubeya Libizo la Ka kusona." Oh, mawi! Makorinte Bapili 12.

²⁴¹ Mulemuhe Maefese 4:30.

...musike mwa halifisa Moya o Kenile wa Mulimu,
o mu swailwe ka ona kuisa lizazi la... (ancafazo
yetatama?)... kuisa lizazi la *kuliululwa kwa mina*.

...musike mwa halifisa Moya o Kenile wa Mulimu, o
mu swailwe ka ona kuisa lizazi la *ku liululwa kwa mina*.

²⁴² Cwale mulemuhe. Halu beyeni zeo kwa tuto yaluna ya Mañolo. Konakuli kihande lu zamaye; Ni sepa kuli Na katalisa sicaba. Mwabona? [Yomuñwi uli, "Batili, haulu katalisi,

Muzwale Branham.”—Mu.] Mutualime fa, sicaba sa nanuha ni kuya kwa mandu, mwa bona, kacwalo bona—bana ni kutateha mulalelo, ni kuli babata kukopana ni yomuñwi. Nebasa kulubeli kutaha kwanu ku to teeleza musihali kaufela. Mwabona? Kono, mutualime, mwa ziba kana . . .

²⁴³ [Muzwale Ben Bryant nabulezi taba yeñwi—Mu.] Ben, oh, Ni lukela kubeleka ku mina! U fuyolwe! Ni itumezi, Muzwale Ben. Na ku lata, Muzwale Ben.

²⁴⁴ Haiba mwa ziba za katazehile ka zona mushimani yani mwa ndwa yani; u kunupilwe mwa liemba-emba, mi apazauha, ni lika zeñwi kaufela. Ubile ni bupilo bwa lika kaufela, kono Mulimu u mu fuyozi. U pilile ka kusepahala. Musala hae amu siya, amusiya mi anyalwa kusili hape, ni kunga bana ba hae. Oh, mawi, Hanisa hupula fela zeo.

²⁴⁵ Kono, nihakuli cwalo, Mulimu aku fuyole, Ben.

²⁴⁶ U lobezi fani cwale ana ni bikelela bya malumo, kuyo punya kwa misinga ni lika kaufela. Ili ze mulukela kuziba makalelo a litaba zateni, mwa bona. Mulimu afuyole mushimani yani. Eeni.

. . . *ka ona mu swailwe kuisa lizazi la kuliululwa* kwa mina.

²⁴⁷ Mulemuhe! Cwale se sakona kunyapa hanyinyani, kono mulemuhe. Musike mwa ni nyemela. Muhupule fela.

²⁴⁸ Fani Isilaele hana talima fa sikwalo, ni mali ani fa sikwalo, libizo (mali, ki bupilo), ni kukena ka mali, nebasika zwela fande hape konji haba zwa mwa Egepita.

. . . *musike mwa halifisa Moya o Kenile wa Mulimu, kuli haukena mwahali mi hausana kuzwa fande kuisa lizazi le u liululwa.* (Mwabona?)

²⁴⁹ Mwa ziba, Bibebe yona ilukile kamita. Ubeya mwateni Manzwi Mwani, muna ni ku Abeya hande ko Azamaelela, ku Si eza, kueza siswaniso kaufela sa puluso. Mwabona? Mwabona?

. . . *musike mwa halifisa Moya o Kenile wa Mulimu, o mu swailwe ka ona kuisa kuliululwa* kwa mina. (Kufitela mu liululwa.)

²⁵⁰ Mu swailwe mwahali mwani, mu mwataswa Mali. Hamusa zwela kwande ni kamuta. Mi cwale u sikamañi wena? U mwana Mulimu mwa lubasi lwa Mulimu, uswailwe ka Moya o Kenile. Diabulosi hakoni ku kuswala haiba na ka lika; kakuli u shwile, muuna hao wa kale u shwile; mi u pumbekilwe, ni bupilo bwa hao bu patilwe ku Mulimu ka Kreste, ni kuswaiwa ka Moya o Kenile. Mwabona? Cwale uka kuswala cwani? U ka zwela cwani fande? Uinzi mwahali! Kanya! Cwale Ni ka siya zeo kihona; ze likani fela kuli muzibe ze Ni ambola fateni.

²⁵¹ Mi subupiwa sesinca, isiñi mwa kopano kono kwa Linzwi. U pupo ya Linzwi. Kakuli licwe la mutomo ne litomilwe ku wena

kusikaba kale mutomo wa lifasi, mu lukiselizwe kuba bana ba bashimani ni basizana ba Mulimu.

²⁵² Mi fahalimwa se kwataha licwe fahalimwa licwe, mwa lusika lufi ni lufi, kwa kupaka Linzwi lelitaha leo, ona cwalo fela sina Jesu mwa na ezelize mwa lusika lwa Hae, ili lona, Licwe la mafelelezo luli. Ku Yena nekuna ni lusika kaufela. Ku Jesu nekuna ni Mushe. Ku Jesu nekuna ni Davida. Ku Jesu nekuna ni bapolofita. Kana ku cwalo? Mutualime Josefa, na lekisizwe ka lishekelle ze mashumi amalalu a silivera, ba mu yumbela mwa musima, neba hupula kuli na shwile, ba mu zwisa, ayo zwa mwateni ataha wa lizoho la bulyo la Faro. Mutualime, ka swanelo, Jesu nali... Josefa nali ku Jesu.

²⁵³ Mi ha Yo taha, Na liyena mutalelela wa malena, bapolofita (haleluya), bumulimu ka mubili bwa yaha ku Yena. Natezi ku to liulula Munyaliwa, ili Siemba sabutokwa. Siemba sabutokwa se sibulela ku Satani kuli...

²⁵⁴ Ha bulela kuli, "Mazazi a limakazo afelile. Hakuna nto yecwalo sina litaba zo ambola zeo."

²⁵⁵ "Zwa ku na, Satani." Mwabona? Mwabona, ki Siemba sabutokwa siyemi ni kutonela.

²⁵⁶ Nako yeñwi Licwe lelikwahela lika kuta, toho ya zona kaufela, ni kuamuhela Munyaliwa ku yena Kasibili; ili zeo musali uzusizwe ku muuna, siemba sa muuna. Mañi ni mañi... Misinga ya muuna i ku musali, kona yepanga musali. Mi cwalo kona Linzwi la Mulimu mo libezi mwa Keleke, kona se sieza Keleke kuba Munyaliwa. Isiñi kopano, yoo ki diabolosi, ifi ya zona kaufela. Ha ni bizi batu baba inzi mwateni kuli ba cwalo; ki sicaba se si shebile sa batu, sina Jesu naize, "Libofu lietelela libofu zeñwi." Mi Na si ka ba bizeza kwande.

²⁵⁷ Mi se bali, "Kiñi, u pepilwe ka buhule! Ki mañi ya kubulelezzi kutaha kwanu? Ki sikolo mañi, ki sikolo sifi sa bukutazi se si kuziba?" Bali, "Luna ni Mushe. Lu cwalo..."

²⁵⁸ Ki hali, "Kambe mu mu zibile Mushe, nemuka Ni ziba."

²⁵⁹ Kakuli Mushe na ñozi za Hae mwa libuka zene, "Mulena Mulimu wa mina uka mi tiseza Mufani wa Linzwi, Mupolofita yaswana ni na, mi yasike autwa Mupolofita yoo uka bulaiwa azwiswe mwahala sicaba." Kona zeliteni kuzona. Mi Yoo ki mañi? Ki Linzwi. Mi ki sikamañi Seo? Musike mwasiya mumela ku zona... Musike mwa beya mumela mwa Teni. Musike mwa ekeza tuto ya bulapeli mwateni, kopano ifi kaufela, kakuli limasila zeo, sitabelo sa mina sifelile.

²⁶⁰ Ha luakufeni cwale, kapili luli, kuli mu yo ca.

²⁶¹ Mulemuhe! Cwale, he, u mwana mushimani wa Mulimu, mwa ndu ya Mulimu, u siemba sa mubuso wa Mulimu. Maroma 8:1, "Konakuli hakusana katulo ku babali ku Kreste Jesu." Kakuli ba shwile kwa neku la lifasi, bapila ku Yena, mi bapila

mwa lizazi la kacenu lee, kueza Linzwi leo Mulimu uitusisize kubona, kamba la ba tomezi kale, babeya mabizo abona mwa Buka ya Munyaliwa ye. Mi cwale Mezi ha taha fahalimwa peu yani yeli mwa lipilu, ku inanulela ku Munyaliwa wa Kreste. Oh, mawi! Ki kupetahala fela ka mo lilukela kubela. Mwa lusika ni lusika kubile ona cwalo.

²⁶² Ma Lutheran, mwatasza za kuluka, mahutu, ba nanuhile cwalo; Wesley, mwatasza kukeniswa. Mapentekota mwatasza mazoho, misebezi ni likezo ni zenwi cwalo, nebana ni kuba Makalvini...kamba nebana ni kuba ba Arminian, nebana ni kuba ba za milao. Kono cwale lutaha kwa toho, licwe le li kwahela. “Sishemo! Sishemo!” licwe le li kwahela la bulela.

²⁶³ Licwe le li kwahela ne li bulela sikamañi? “Sishemo! Sishemo!” Kuzwa kwa lifu ni lituto za litumelo, kutaha kwa Linzwi lelipila la Mulimu. Mulelo unosi fela wa Mulimu olukiselizwe lusika lwa Hae, Bana ba hae babashimani mwa lusika lwa Linzwi bafilwe bupilo ka Moya inge mulilo o cakuzwi fo kucisa kuli utuke; mi luinzi cwale mwa libaka za mahalimu (mwa tensi yacwale), kale kale bapila mi bakuteka sepiro kaufela mwa Linzwi. Mi cwale seo sieza sikamañi? Wena kakuba kalulo ya misinga ya Mulimu, u siemba sa Linzwi, batu babañwi ki siemba sa Linzwi la Mulimu, luinzi hamoho, lubonisa Mubili kamukana wa Kreste, kakuli hakuna mumela mwahala mina. (Mwabona Za sweli kubulela, Muzwale Brown?) Kutokwe mumela mwahala mina, ki Linzwi fela, luinzi mwa libaka za mahalimu, mwa munyako mo Abeile Libizo la Hae: Kreste Jesu.

²⁶⁴ Kutokwe mumela mwahala mina, zeo litisa mutalelela kaufela wa bumulimu ka mubili mwahala mina. Nelisika ezahala mwa lusika lwa Luther, nelisika ezahala mwa lusika lwa Wesley, nelisika ezahala mwa lusika lwa Pentekota; kono mwa lizazi leo Mwana mutu ha ka bonahala, kupatululwa, akutisa Keleke hamoho ni Bulimu bwa Mulimu kakutala mwahala sicaba sa Hae, kubonisa lisupo zeswana zeiponahaza, inza iponahaza ili Yena sina mwa Na ezelize kwa simuluho ka nako Ya bonahala mwa lifasi mwa mufuta wa Mupolofita-yali-Mulimu. Oh! Kanya! Usepisize ka Malaki 4, usepisize ka Mañolo amañwi kaufela. Mu lapelela kai? Kwa ndu ya Mulimu, muinzi (ki tensi ya cwale).

²⁶⁵ Cwale, kapili, ha latalimeñi kapili fela cwale, mi kipeto luzwelepili ni za...Mwa mizuzu yelishumi lukabe lu felize, haiba Mulena alata.

²⁶⁶ Cwale ha latalimeñi ku babañwi ba bafilwe bupilo mwa ndu ya Mulimu ye, mwa lusika lwa bona.

²⁶⁷ Enoke! (Mwa mizuzu yelishumi luka be luile, haiba mukona fela kuitiisa nako nyana yeo.) Mutualime, Enoke neli Linzwi la Mulimu lelipila la lusika lwa hae, nali mupolofita.

²⁶⁸ Mupolofita ki siiponi sa Mulimu. Ki ba bakai ba baziba cwalo? Ki—ki siiponi se si sa bonahazi sa sona, si—si siiponi ha ki siswanso. Kuna ni kuba nto yeñwi ye monyeha fa siiponi—siiponi kuli si bonise liseli. Kacwalo mupolofita ki sibyana se si ketilwe ki Mulimu se si sakoni ku monyeha nihanyinyani kono u mwa mukoloko omunde ni liseli lateni, Mulimu, kuli abonahalise sibupeho sa Kreste, yena Linzwi. Mwabona, hakuna se sikona kueza zeo. U liseli fela, ki kabakaleo mupolofita hana cile buka. Ki kabakaleo hana cile litapa. Nana ni kumonyeha Linzwi lani la lusika lwani. Mu utwile nji?

²⁶⁹ Mulemuhe Enoke, siiponi se si petehile sa Mulimu mwa mufuta. Fani Mulimu hanafelile—hanafelile ni yena, Amunga fela inza pila, amungela kwa lihalimu. Libyana zana bile ni zona nelibonisa kutaha kwa mata ka Moya, mi amunga.

²⁷⁰ Kinto yeswana ni mwa mazazi a Elia. Elia, neba masapo a hae, nanani ponahazo yeo... Siiponi sa Mulimu mwa mubili wa hae o bonahalize Linzwi la Mulimu. Ba lobaza muuna ya shwile ku ona, akutela kwa bupilo hape. Lu nama ni masapo a Hae, haibile fela lu Munyaliwa wa Kreste. Kana mwa lumela cwalo? Ku lukile. Na lu shwezi, mi lu shwile kwa neku la luna mi lu pumbekilwe mwa Libizo la Hae, kuli lusike “lwaba ba lifasi ni kamuta, kono ku Yena,” ili mane lubasi lwa Lihalimu lu bizwa ka Jesu Kreste. Yeo ki Maefese 1:21. Kakuli bubeli bwa Lihalimu... lubasi mwa Lihalimu. Lubasi mwa Lihalimu lu bizwa cwani? Jesu. Lubasi mwa lifasi lubizwa cwani? Kihande, yeo ki ndu ya Mulimu kokuna ni Mali. Kana ku cwalo? Seo kona sikkalo, woo kona munyako, seo kona sibaka Kwa beile Libizo la Hae, mi Linzwi la ezwaga nama mi la to yaha kuluna. Ki Linzwi le li bonahala ni kumonyeha mwa lusika lo mupila kulona. Kona sa Na li sona seo, kona sa nali sona Mushe, kona sa na li sona Jakobo, kona sene bali sona babañwi kaufela, kumonyeha fa Linzwi la Mulimu lani, siiponi sa na monyeha ku sona Mulimu Kasibili. Ni kutaha kwa siswaniso se sipetehile sa Mulimu sani, Jesu Kreste, Siemba sabutokwa sa Mulimu; sa nativa ili kuli Ange babasiyezi ba bona kuba Munyaliwa yabile siiponi.

²⁷¹ Mushe nali ku Yena. Joshua nali ku Yena. Mi haiba u ku Yena, no li ku Yena kusikaba kale mutomo wa lifasi, ki lubasi lwa Mulimu; no nyandile ni Yena, wa shwa ni Yena, waya ni Yena kwa sifapano, wa zuha ni Yena; mi cwale usali ni Yena, uinzi mwa libaka za Mahalimu, ku bonahalisa Liñusa la lusika kwa lifasi, Liseli la lifasi. “Mina mu Liseli la lifasi,” kono haiba lipatilwe ki tubana ya sizuma sa kopano, ba ka Li bona cwani? Kakuli ka lizo za mina mufeza mata a Liseli! Ka kulika... Mina balikopano, mulika kukasheza Liseli kwahule ni keleke yamina; hamuna ku yo kena, kamba neba ku ba lumeleza mwateni. Amen.

²⁷² Ha lu tuheleni fela. Mawi, Nina ni zeñata hahulu faa. Neluka—neluka zwelapili fela... Oh, mawi! Luna ni mizuzu yeketalizoho.

²⁷³ Mwabona yoo ali sikwalo? Ki kai kwana beile Mulimu Libizo la Hae? Ku Jesu. Mukena cwani mwa Libizo la Hae? Mukena cwanie mwani? Ka kukolobezwa teñi! Cwani? Ka mezi nji? Ka Moya! “Mulena alimuñwi, tumelo iliñwi, kolobezo iliñwi.” Yeo ki kolobezo ya Moya o Kenile.

²⁷⁴ Kolobezo ya mezi i mi kenya fela mwa kopano ni sicaba, kuli ulemuha kuamuhela Kreste. Yeo kona Niti. Kono ki kolobezo ya Moya. Na kona kupunda Libizo la Jesu ku wena ni ku ku kolobeza, zeo halina kubeleka sika.

²⁷⁵ Kono cwale Moya o Kenile wani luli... Linzwi la niti ha litaha ku wena (Linzwi, Jesu), kipeto, muzwale, Liñusa halisaba kunutu ku wena foo; wa Li ziba, muzwale, Li tukile hande fapila hao. Haleluya! Kulumbwe Mulimu! Amen!

Na Mu lata, Na Mu lata
Kakuli U ni latile,
Ni kuleka pulus-...

Mulimu Yomunde, Ni lapela kuli Ufolise sicaba see, Mulena, ni kueza mañi ni mañi wa bona kuba hande. Ka Libizo la Jesu Kreste. Amen.

²⁷⁶ Oh! Lilato! Oh!

Haisamba ka, tumelo Ni bona lissa lani
Le li suluha kwa litombo za hao, (kuzwa kwa
Siemba sabutokwa sani)
Lilato leli pilisa libile pina yaka,

²⁷⁷ Ukona cwani wena... Mulimu u Lilato. “Yana ni lilato ki wa Mulimu,” ka bumulimu, lilato lelikene, isiñi lilato la masila; leli kenile, lelisweu, lilato leli kenile, lilato la Mulimu lona Linzwi. “Milao ya hao Ni ipatile mwa pilu yaka, kuli Ni si ke na Kufoseza,” oh, mawi, yoo ki Davida yana huwa cwalo. Kana Ha ki yomunde nji? Kikuli ha mu Mulati?

²⁷⁸ Cwale, kuna ni Nzila, yende, Nzila ye kenile, sibaka sinosi fela sa kukopanela koo Mulimu aka kopana ni wena. Isiñi kakuli ubulela kuli, “Mulimu, cwale, Ni mu Methodist yomunde. Ni mu Baptist yomunde. Ni Mupertekota yomunde.” Batili! Kakuli u ku Jesu yena Linzwi, siemba sa Linzwi se si bonahaliswa kacenu, Liñusa la lizazi la kacenu; isiñi wa Luther, wa Wesley, Pentekota; kono Jesu wa wa hao, siswaniso, se sitile ku se. Haukonu ku kutela ku seo, zeo ki kuekeza mumela kwa Sinkwa sa hao se si kenile, kuli, “Mutu uka pila ka Linzwi kaufela le li zwelela mwa mulomo wa Mulimu, mwa mwaha wa Lona.”

²⁷⁹ O taha, Mulena Jesu, wena licwe lelituna la Toho. Mutualime kwabuse kwani, ko ba lobezi mwa liluli ma Lutheran babane bashwile kwa kubulaiwa; mutualime ba Methodist bani.

²⁸⁰ Mapentekota bani ni babañwi kaufela, bataha cwale, ku ziyeleha kokutuna kokutaha kwani.

²⁸¹ Mina ba Assemblies of God mwa yo ongaonga, kanti kona lika zeswana kwa na mi zwisize Mulimu, mwa kutela hape kuzona inge kulube kwa sileze sa yona.

²⁸² Mina ba Oneness, United, ba kale J.C. ya... Pentecostal Assemblies of Jesus Christ. Iliñwi ki ya babansu, mi mwa kauhana bakeñisa ketululo. Mina bene baezize cwalo, mi mwa ikopanya ni kuipiza ba "United." Mi kipeto mwa ikongakonga, ni kunyemela ba Assemblies: "Inge nja ye kutela kwa mataza a yona." Haiba mataza atiselize nja kukula nako yapili, hanili ika kula hape? Amucince lico za mina kuzwa kwa kopano kutaha kwa Linzwi, mi mupile ni Kreste. Maswabisa ku mina!

Nina ni Ndate yali mwabuse,
 Nina ni Ndate yali mwabuse,
 Nina ni Ndate yali mwabuse,
 Kwa neku la mwabuse.

Zazi leliñwi Ni ka yo Mu bona,
 Zazi leliñwi lelinde...ni yo Mubona,
 Zazi leliñwi lelinde Ni ka yo Mu bona,
 Kwa neku la mwabuse.

Oh, hanili wani ikaba mukopano wa tabo,
 Hanili wani...(Linzwi liya kwa Linzwi!)
 mukopano,
 (Mi Munyaliwa hanelwa mwahalimu, Linzwi
 ka Linzwi.)...mukopano wa tabo,
 Kwa neku la mwabuse.

Oh, zazi leo ikona kuba kamuso,
 Zazi leo ikona kuba kamuso,
 Zazi leo ikona kuba kamuso,
 Kwa neku la mwabuse.

²⁸³ Mu li, "U talusa cwalo, Muzwale Branham?"

²⁸⁴ Eeni, sha! Kakuli ma Lutheran ba lusika lwani, baha Wesley ba lusika lwani, mapentekota ba lusika lwa bona (ba niti, isiñi ba likopano); Mapentekota, bona bene ba ekelize mumela (kopano yabona), ba shwa. Kono Linzwi la niti le la zwelapili, mwabona. Kuswana fela inge Jesu yanaize, "Ka lizazi leo, muka ziba kuli Ni ku Ndate mi Ndate u ku Na, mi Na ku mina ni mina ku Na." Ki Linzwi kaufela zona!

Oh, hanili ukaba moko...wa tabo (foo bana
 ba Hae habata kopanela fa munyako wa Hae)
 ...mukopano wa tabo,
 Kana hauna kuba mukopano wa tabo,
 Kwa neku la mwabuse.

²⁸⁵ Cwale, keleke, lwa luta cwale. Kono, muhupule, ha muzwa mo, mukale kuzwa mwa sikapi cwale; mukena mwa bubeke, kono mube Fapila Mwana. Musike mwa ekeza, ze Ni bulezi; musike mwa zwisa kwatene, ze Ni bulezi. Kakuli, Ni bulela Niti

kuya ka mo Ni I zibela, sina Ndate mwa ni fezi yona. Mwabona? Musike mwa ekeza ku Yona, mubulele fela ze Ni bulezi.

²⁸⁶ Taba yateni ki kuli, mubulele fela sicaba sitahe kwa kubata Mulena Jesu. Mi kipeto mina kasibili mube Fapila Hae, mube fela ka lilato ku Yena, “O Mulena Jesu, Mwana a Mulimu, Na Ku lata. Sebelisa pilu yaka, Mulena. Zwisa masila kaufela ni lilato la lifasi, mi nituhele kuli nipile ka kukena mwa lifasi la kacenu le fapila Hao.”

²⁸⁷ Ha luinamiseni litoho zaluna kwa tapelo. Cwale, halu boneñi, kana luna ni mutu ya ketilwe kuli alukulule ka tapelo? Kamba, Ni ka lapela, he. Mube ka likute luli.

²⁸⁸ Mulimu Yomunde, lwa itumela ku Wena kuli lubile ni lico za moyo. Lwa itumela ku Wena, Mulena, kuli vitameni la Linzwi ihulise bana ba Mulimu. Ha i lwanisi mufuta ufi kaufela wa buino, konji fela fa bana babashimani ni basizana ba Mulimu. Kacwalo lwa itumela ku Wena ka Lona. Mi lwa lapela, Mulimu, kuli lufumane tuso ka lona, kuli lusike lwa itumela fela ku Wena. Lwa itumela ku Wena ka Lona, kono luitusise mata kwa kulika (ka Lilato) ku hapeleza sicaba kulumela ku Mulimu waluna; baba sa yambaela, baezalibi, basali, baana, bashimani, basizana, mwa lusika loo.

²⁸⁹ Kakubona, Mulena, kuli buino bwa minahano, lusika lwa kuikalelwa hahulu lolupila kulona, lu ba zamaisa ka kutakana mwa; ka kutaleleza hande sa bulezi Mañolo ni kusepisa, lika zetuna zesabisa ze ka tahela lifasi; sina linziye, kuto ziyeza basali baba kuta milili yabona, likaba ni milili yemitelele inge basali. Ni lifateho zeshutana zesabisa yebaka bona, Mulena, mwa ngana, buino bo bu fosahalile bobali kubona, mi ba ka lilela macwe ni malundu. Basali babaka pepa linja ni likaze, mi isi kuhuliseza bana baba kuteka Wena. Bona bao U file bana mane ba ipepela bona, bafetuhela mwa mikwakwa ni kueza mo ba batela. Ki ha Ubulezi kuli, Mulena fani ha No ya kwa sifapano, “Mi baka kalisa kulilela macwe ni malundu kuli aba wele fahalimu.”

²⁹⁰ Lubona kuli lika zeñwi kaufela lizamaya hande ka nako yee. Lubona Mañolo ha talelezwa, kubonahala. Mi sina halubona Zeo, Mulena, Wena ka meto aluna tota (za iponahaza patalaza), zazi leliñwi kukaba Kuungelwa mi luka bona ponahazo ya Linzwi lani, “Kakuli Mwana mutu uka taha mwa malu a kanya, ni Mangeloai a Hae hamoho ni Yena, mi ki ha luka ngwela ku yo Mu katanyeza mwa mbyumbyulu.” Mi nako yeo cwale... Lwa utwa zateni cwale, mi lu ka libona ka meto aluna.

²⁹¹ Lu yo fumanwa ku Yena, Mulena, sona sibaka sinosi sesi lukisizwe. Mi Yena kona Sitabelo. Lwa Mu tisa, ze lu utwile, Jesu Kreste, mwa ndu ya Mulimu ka kolobezo ya Moya o Kenile, ka Libizo la Jesu Kreste. Mi kwani Sitabelo sa luna si amuhezwi mi lu tisizwe mwa lubasi; kakuli, ni ha lu sa yambaela mwa lifasi, lu

lukiselizwe kale kuba bana babashimani ni basizana ba Mulimu kusikaba kale mutomo wa lifasi. Lu itumezi ku Wena sa zeo, Ndate. Oh, kana mutu ukona cwani kufetuhela ku zecwalo, ha sa fumani kale Niti, kuli Mulimu na mu ketile kale kuzwa mwa lifasi? Nekuna ni ma milioni ana latehile, zazi le Ni puluswa.

²⁹² O Ngunyana ye shwile, Ni ka itumela cwani ku Wena? Kanti pilu yaka ikona kuba cwani ka likute leliswanelia fapila Hao? Ni tuse, Mulimu yomunde, kupila ka kusepahala. Tusa sicaba sahesu kupila ka kusepahala. Na ba lapelela, Mulena, mañi ni mañi, kuli Ubaeze cwalo. Mulimu, ka mukwa omuñwi, Ha ni . . . Ha nikoni kuziba mukwa . . . Hani zibi mukwa, mwa ku kupela fela, Mulena; mi mwendi mane Hani kupi zeo ka nzila yeswanela. Kono Wena uswalele ku sa ziba kwaka, Mulena, mi utalime fela fa pilu yaka. Ni lapela kuli kusike kwaba ni yomukana wabona yaka lateha, kutokwe kuba cwalo ni yomukana wa bona, Ndate. Na kungela bona, mañi ni mañi, ku Wena. Ka Libizo la Jesu Kreste. Amen.

Na Mu lata, Na . . .

Mi haiba mwa Mulata, mwa latana. Muswalane mwa mazoho.



SIBAKA SA MULIMU SINOSI FEELA SA KULAPELELA LOZ65-1128M
(God's Only Provided Place Of Worship)

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda kakusasana, Njimwana 28, 1965, ili fa Life Tabernacle mwa Shreveport, Louisiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org